


Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4850/A







Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4850/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4850/A



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4850/A



4850/1 A 16/p

~~Prophetia~~

L2

LB12

Col 72-383

PVR  
MOR  
TENT

LIV  
MOR


Letitia



52092  
DE HUMORVM  
PVRGATIONE IN  
MORBORVM INITIIS  
TENTANDA. BERNARDINO Paterno  
Salonensi autore.

EIVSDEM TRACTATVS, QVOD  
cæna & berior prandio esse debeat ex antiquorum Me-  
dicorum decretis: etiam in catarrho.

*Scripta a Antonio Charles Doctore Medici Mosp.*



S P I R A E  
Apud Bernhardum Albinum,  
M. D. LXXXI.



4850/1

MAGNIFICIS CONSVLI-  
BVS ET PRVDENTISSIMIS

Senatoribus Inclytæ vrbis  
Spiræ. S.

**A**nnus iam agitur tertius Consules Magnifici & Senatores prudentissimi, ex quo in Urbem hanc Vestram Veni. Indulgenter humanitate illa Vestra apud omnes etiam externos testata receptus, et ope ris Typographicis officinam aperirem. Quod et si hucusque mihi homini nimirum peregrino & ab omnibus subsidijs, quæ alijs domi inter suos abunde suppetunt destituito, non ita cesserit, ut aut vobis Dominis meis semper colendis obsequij mei promptitudinem, aut Ciuibus clarissimæ huius Urbis industriam meam, elegantiore aliquo excusò opusculo reipsa etiamnum probârim: in magnam tamen spem Venio, si quo cœpistis fauore deinceps me complecti non desinctis, & luculentiores in posterum & magis proficuas futuras operas meas, quas iniuria temporum patriæ meæ & communi multorum bonorum sorte interpolatas conseruauit Indulgentia Vestra. Initio autem factò, ab anni iam Vertentis ingressu (quem Ciuitati Vestræ Inclytæ Imperialis Iusticiæ sedi, & Virorum cum doctissimorum tum Clarissimorum domicilio, communisque hominum de fortunis suis laborantium quasi refugio, fœlicissimum & faustissimum precor) De initijs morborum cœrandis tractatum medicum nomini Vestro dedicare collibuit: quem vos si animis fauentibus exceperitis, plurimum profectò non tentamina tantum mea in hoc genere promouebitis, sed & quantum præsidiij bonis omnibus in humanitate Vestra repositum sit palam ostendetis. Valete Magnifici Coss. Prudentissimiue Senatores.

Bernhardus Albinus  
Typographus.



DE HUMORVM PURGA-<sup>2</sup>

TIONE IN MORBORVM INITIIS


tentanda ex Hippocratis & Ga-

leni decretis Bernardino Pa-

terno Salonensi

Authore.



 Egrotantium corpora quo morbi tempore purgauerint, duo medicorum lumina, Hippocrates videlicet & Galenus, inter multa, quæ in arte medica nequaquam satis adhuc explicata sunt, id mihi omnium perdifficilis, ac penè indissolubilis questionis esse videtur. Quam præstantissimi nostræ ætatis medici aliquando explicare aggressi non solum varias ac inter se discrepantes sententias, sed penitus contrarias protulerunt. Quidam enim nec Hippocratem neq; Galenum in morborum principijs unquã purgasse (nisi turgerent humores) asseuerant. Alij verò contra mediocri quadã purgatione (quam minoratiuam appellant) id eos semper fecisse contendunt. Omnes autẽ tam enixe, validisq; adeò rationibus partes suas agunt: ut per arduum sit iudicare quinam eorum ad Hippocratis ac Galeni mentem propius acce-



# P R I M A

dant. Quod quam noxium mortalibus sit, quā-  
 tumq; arti medica deroget unusquisq; facilli-  
 me cognoscere potest. Nam per deum immorta-  
 lem, quid artem medicam inconstantia magis  
 atq; incertitudinis arguere potest, quam prae-  
 lentium medicorum tam cōtraria decreta? Ae-  
 grotantibus verò quid noxium magis dici, aut  
 excogitari potest, quam in ipsarum statim cura-  
 tionum exordijs circa valida remedia, eorumq;  
 rectum vsum medicos aberrare? Aedepol, cum  
 tam varia sint, tamq; inter se pugnantia eorum  
 decreta: propterea fieri nequit, ut omnes veram  
 Hip. & Gal. mentem assequantur. Itaq; aut hos,  
 aut illos semper aberrare necessum est. At si utra-  
 que secta ab ipsa veritate abhorreat, omnes fer-  
 me medici, qui hac atate arti operam aliquam  
 concedunt, pessimè morborum curationes aggre-  
 dientur: cum omnes propè dixerim alteri dicta-  
 rum sectarum totis viribus inhareant. Cum i-  
 gitur rei istius veritas humano generi summo-  
 pere utilis futura sit, pulcherrimamq; habeat  
 inuentionē, propterea nitendum à nobis est, ve-  
 ritatis amatores (vobis enim solis cupio ut con-  
 tingat meos hōsse labores suscepisse) ut ipsam  
 pro viribus perquiramus. Quod tamen si per ar-  
 duū videtur, cōmodè tamē a nobis fieri poterit  
 se



si postposito unius cuiusq; sectæ amore, in ueritatē ipsā recto tramite tēdere voluerimus. Quod ego nunc (absit arrogātia) facere aggredior. Nā omissō quocūq; animi affectu, in ipsam ueritatē ut in optimum scopum respiciens quæ fuerit Hip. atq; Gal. de proposita quæstione sententia in lucem proferre decreui. Vobis autem meos hos labores imprimis dicatos volui, ut si quid non ita perfectē elaboratum, aut à recta ueritatis via abhorrēs per me dictum fuerit, eo animo qui erga ueritatem in uobis semper esse solet, id castigetis. Non enim talem, ac tātum virū me ipsum profiteor quin in multis me posse decipi credam. Valdē enim difficile ut Gal. ait. est, ut qui homo sit, in multis non peccet. Peccare etenim humanum: probi autem uiri, iuxta Hesiodi sententiā, est recta monentibus obsequi. Quod me uobis semper facturū polliceor. Verū ut ad rem ipsam iam deueniamus, quid utraq; secta pro suarum partium defensione afferat ut res ordine quodā clarius explicetur, ante omnia ad examen reuocare opere præcium existimaui. Multi itaq; & me hercle non spernendi medicæ artis professores, in omnibus tū diuturnis, tū acutis morbis, et ipsorum quidam non solum in eorum principijs, sed etiam in incrementis, ac summis



# P R I M A

morborum vigoribus mediocri quadam pur-  
 gatione, qua peccantium in corpore humorum  
 aliqua pars expurgetur, agrotantes semper ten-  
 tāt: idq<sup>3</sup> ab eis recta ratione fieri atq<sup>3</sup> iuxta Hip.  
 & Gal. decreta contendunt: ut videlicet parte  
 ea humorum Natura exonerata, residuum me-  
 lius atq<sup>3</sup> facilius superare valeat. Aduersus quos  
 grauissimi etiam medici insurgunt: eosq<sup>3</sup>, ut po-  
 te ab Hip. ac Gal. mente penitus alienos, atq<sup>3</sup> ab  
 ipsa veritate prorsus abhorrentes, multis ac va-  
 lidis rationibus oppugnare nituntur. Atq<sup>3</sup> im-  
 primis, inquit, quidnam optimis illis vera  
 medicinae authoribus magis repugnat, quā isto-  
 rum decretum? cum prima Aph. parte, multisq<sup>3</sup>  
 alijs in locis, quos longum esset recensere, & Hip.  
 & Gal. concocta medicamēto purgatorio tētā-  
 da, nō cruda neq<sup>3</sup> in principijs (modo nō turge-  
 ant) clarissime precipiat. Tunc enim (ait Gal.  
 quando scilicet concocti erunt humores)  
 naturam etiam habebimus euacuationi  
 adminiculantem: siquidem videtur, &  
 ipsa post concoctiones humores discer-  
 nere, & superfluitates expellere: quo tem-  
 pore fiunt iudicationes. Verū si humores  
 turgeant, hoc est, si de membro ad membrum  
 moneantur, suoz motu agrotantem infestent,  
 tunc



tunc purgationis aliqua sese nobis offert indicatio: cum nullo indigeant humores ad exitum paratissimi & ad euacuationem properantes (ut Gal. verbis sexto de vulgaribus morbis utar) nisi purgatorio medicamento, quod veluti manum præbens, eos ad aluū ducat: ut quarta Aph. parte idem Gal. nos docuit. Id autem præsertim faciendum est, quando timor adest, ne ij qui per corpus vagantur humores in princeps aliquod membrum decumbant, seuissimumq; in animali morbum causent, quemadmodum eiusdem fuit Gal. sententia quarta Aph. parte, quam ex Antyli decretis Aetius quoq; tertio suorum de re medica librorum apertissime comprobauit. Verum cum rarò accidat humores turgere taliq; motu moueri: propterea diuinus ille medicorum princeps Hip. prima Aph. parte, rarò in acutorū morborum initijs purganda esse corpora præcipiebat, idq; maxima cum præmeditatione faciendum. Quam sententiam explicans Gal. tam apertè horum decretum confutare videtur, ut mirum sit quomodo ij (si ea quæ ibi à Galeno scribuntur unquam perspexerint) adhuc in sua opinione sint pertinaces. Ait enim. Nunc autem quod circa acutorum tantū morborum, principia cōtingit aliquando vtiliter pur-



P R I M A

gare nos docet. Hip. Nā in longis morbis  
semper oportet expectare cōcoctionem:  
in acutis verò cū turgēt ab initio possu-  
mus medicamentis purgātibus vti, & hoc  
īpsum cum multa cautione, & præmedi-  
tatione facere. *Hæc ille. Ex quibus sanè verbis  
luce clarius apparet eos valdè decipi: cum Gale.  
in diuturnis morbis ante purgationem, expe-  
ctandā esse humorum concoctionem expresse as-  
serat: in acutorum autem morborum initijs so-  
lummodo id concedat, quando humores turgēt.  
Quod maxima etiam cum cautione faciendum  
est, ut idem Galenus testatur: nempe obseruata  
corporis dispositione, nunquid scilicet paratum  
sit ad purgationem an secus. Corpora enim  
vbi quispiam purgare vult, oportet fluida  
facere. ut secunda Aphorismorum parte Hipp.  
scripsit. Corpus verò fluidum reddetur Galeno  
in eius sententiæ expositione teste, meatibus re-  
clusis per quos humores attrahi debent, & atte-  
nuatis incisq; tenacibus, & crassis humoribus.  
At boni y, ac præstantissimi medici, non solum  
in acutorum sed in diuturnorum etiam morbo-  
rum initijs, vel quiescentibus humoribus, nul-  
loq; modo in motum concitatis, sed membrīs  
impactis, nulla denique corporis preparatione  
facta*



facta nihilominus corpora purgare non verentur. Illud autem præter omnem rationem facientes, ea agrotantibus inferunt nocumenta, quorum optimus ille senex, quarto de ratione victus in morbis acutis, his verbis meminit. Quicunque autem ea quæ inflamantur, statim morborum inter initia medicamento solvere conantur: ij ab intensa inflammataque parte nihil adimunt, non enim cedit, obsequiturque quæ adhuc cruda est affectio. Quæ verò morbo aduersa sunt & sana, absumuntur contabescuntque. Ducto autem ad imbecillitatem corpore, morbus superior euadit: qui ubi corpus vicerit, remedium non habet. Hanc sententiam eius sectæ fautores aut præterierunt, aut eam ut pote ipsis maxime repugnantem despexere. Si enim ipsi animum adhibuissent proculdubio tam erronea affirmare non perrexissent. Nam Hippocrates in præposita sententia, horum opinionem ferme cōsulto, damnare videtur: qui crudos humores, ac membris impactos purgare non timent. Cum enim humores sint tales, propterea medicamento attrahente non cedunt violentaque sit eorum commotio. Ex hoc autem & membra



# P R I M A

*tabescere, & virtutis robur dissolui necessum est. Verum non hac solum, crudos humores purgantes egrotantibus inferunt nocumenta sed illa etiam quæ Galenus quarto de tuenda valetudine hac oratione resensuit. Deiectione enim inquit, in his tormina & rosiones creat, animique deliquia: cum eo quod nec notatu quippiam dignum educitur, quando crudi omnes humores pigri atque ad motum inepti propter crassitudinem frigiditatemque sunt. Quo fit, ut omnes etiam angustas vias obstruant, per quas id quod medicamentum deijcit, ferri ad aluum debeat: ob quam causam nec ipsi educuntur, & alijs impedimento erunt. Id quod sanè Hippocrates illo oraculo præcauit, quo breuissimè præcipit concocta medicamento tentanda esse non cruda. Euitabunt ne unquam hac incommoda qui partem crudorum humorum membris impactam purgant? Non certè. Quando pars illa quæ educit, tormina, rosiones, et animi deliquia egrotanti affert: pars verò quæ in angustis meatibus firmatur. eos magis obstruit, ceterisq; est impedimento etiã ne educi possint. Quæ omnia nocumenta y euitarent, si parato prius corpore*



corpore ac concoctis humoribus, ad purgationes accederent. Hip. itaque, & Galeno apertissimè *ij* repugnant: qui in morborum principis mediocri ea purgatione (etiam quod humores non turgeant) agrotantium corpora tentanda esse autumant. His non minus inquit, reclamatione arabum medicorum facillimè princeps Auicenna quarto canonis, qui febrium putridarum generalem curationē docens, hac scripta reliquit. Et cum administraueris canones prædictos in principio euētus, tūc oportet post illud, vt occuperis in digestionē (sic enim voce non apposita vt opinor, Auicennæ interpretis concoctionem appellauit) & euacuationē, quæ non est secundum semitam minorationis, & alleuiationis. At quinam sunt hi canones, quos in febriū putridarū initijs Auicenna nobis seruare præcipit? Qui? Non alij profectò, quam *ij* quos ipsemet paulò superius his verbis retulit. Deinde fac sequi phlebotomiam, solutionem vētris subtilem propriè si fuerit illic siccitas cum illis quæ sunt sicut aqua hordei, & alfiracost pauco, & aqua hordei cū syrupo acetoso. Et si natura non fuerit lenis, adde in eo quod sit sicut syrupus violatus. Et sit vltimitas



# P R I M A

mitas lenificatio non fluxus ventris, aut solutio laboriosa. Et magis dilectum apud me est vsus clysteris secundum vltimitatem, qua indiget in virtute. *In his remedijs quæ ab Auicenna hic referuntur suamne minoratiuam purgationem, quam tamen in putridarum febrium principijs maximè tentandam arbitrantur, ij vnquã reperient? Non hercle, cum eam ventris euacuationem solummodo precipiat, quæ ea expurgari solent, quæ in ventre, & intestinis continentur. Quæ quidem ventris potius lenitio quædam est quam humorum qui morbum efficiunt purgatio. Cum itaq; inter ea quæ dicta sunt, minoratiua horum purgatio haud reperiatur, & post eorum rectam administrationem precipiat Auicenna, nos occupari non debere in aliqua minoratiua euacuatione: propterea iure optimo dicendum est illos ab eius quoq; mente lōge alienos. Quod quidem vel luce meridiana clarius, paulo inferius his etiam verbis demonstrauit. Si autem non est naturæ possibile expellere illam superfluitatē, nisi post horā, in qua sit præparatio ad expellendum in vrina, tunc similiter oportet vt sciamus, quod arti euacuare humorem ante illam horam in qua apparet digestio*



P A R S.

gestio in vrina est prohibitum, aut laboriosum, malum, & fortasse mouet, & non operatur vltime, et fortasse permiscet malum cum bono. Cum itaq; & ij partem eam humorum crudam expurgare conentur, quam natura recte operas nunquam expelleret, propterea & purgatio laboriosa sequitur, & sapissime permixtio mali cum bono. Ab Auicenna igitur decretis penitus sunt alieni. Hoc idem voluisse eundem Auicennam in febris pituitosa periodica curatione certissimum est, dum ait. Et ego non diligo nisi expectatione digestionis. In quibus febribus hi, Auerois auctoritate moti (qua tamen in arte medica non est tanti aestimanda, quantum in philosophia sibi arrogare videtur) purgationem illam potissimum tentandam censent. Quod si forte antiqua Auicennae interpretationi qua habet. Et ego non diligo expectationem digestionis, maiorem fidem adhibendam esse quam noua dixerint, prater hoc quod coacti erunt fateri Auicennam Hippocr. ac Galeno contradicere, ipsummet sibi ipsi contrarium efficient: cum & in locis supra adductis ex capite de cura febriu putridarum in generali, & eodem capite oppositum dicere videatur. Ait enim. Et multotiens quidem conceditur



P R I M A

ceditur euacuatio phlegmatis & humoris crudi in hac hora: sed melius est vt expectetur complementū digestionis. *Quæ quidem Auicenna sententia eos maximè redarguit, qui in februm quoque earum augmentis, summisque vigoribus purgare non veretur. Hip. itaque Gal. Auicenna ceterisque planè bonis authoribus aduersantur, qui in morborum initijs, humores etiam non turgentes, purgare audent. At hi, contra validis non minus rationibus partes suas agunt: aliorumque opinionem vt pote falsam, improbare nituntur. Atque Hip. imprimis hi quoque contra eam adducunt; qui secunda Apho. parte minoratiuam purgationē in morborum principijs apertissimè concedit, dicens. Quum morbi inchoāt si quid videtur mouendū moue: quū verò consistunt ac vigent, melius est quiescere. Quod Gal. hanc sententiam explicans his verbis clarissimè nos docuit. Circa principia verò illorum morborum, in quibus speramus ægrotum cōualiturum, tentandum est maiora afferre remedia: de quibus Hip. dixit, Si quid videtur mouendum moue. Sunt autem hæc maximè venæ sectio, nonnunquam verò & purgatio: quorum neutrum oportet morbo*



morbo iam consistēte adhibere. Vt enim in libro de crisibus manifestauimus, concoctiones morborum tunc maximè fiūt. Vt igitur hæ citius cueniant, melius est circa principia euacuare: quo minorem iam factam materiam facilius natura possit concoquere. Hæc Hippocratis & Galeni uerba nisi quam extorte inquit isti, exponantur, tam expresse humorum minoratiuam purgationem in morborum initijs fieri posse demonstrant, ut mirum sit quomodo ij, qui se solos Hippocratis ac Galeni imitatores proffitentur, eam reprobare audeant. Nam hic expresse Galenus, iuxta Hippocratis sententiam, in morborum principijs mediocri quadam purgatione corpus euacuandum esse præcipit, ut paucioribus in eo relictis humoribus eos facilius natura concoquere valeat, id profecto nemo nisi admodum proteruus inficias ire potest. Cur ergo aiunt, nunquam finem calūniandi nos, ij faciunt? Si ea quæ Galenus præcipit, atq; ob eandem causam exequimur: si eius sententiam integram, & inuiolatam seruamus, quid nobis molesti semper esse pergunt? Hæc illi. Verum alij iterum in eos insurgunt: Hippocratisq; ac Gal. dictam sententiam contra ipsos, qui eam pro sui tutela



# P R I M A

tutela adducebant, retorquere nituntur. Considerate inquit, ô optimi viri paulo diligentius Galeni verba. Quod si feceritis, id vobis proculdubio apparebit, quod scilicet tantum abest ut ea contra nos sint, ut potius contra eos, nobis maximè faueant. Quid enim ait? Sunt autem hæc videlicet remedia in morborum principijs adhibenda, maximè quidem venesectio, nonnunquam verò, & purgatio. O prestantissimi, duæ ille dictiones, maximè, & nonnunquam, in oratione posite quidnam aliud significant, quàm naturam sæpissime exonerandam esse sanguinis missione in morborum initijs, rarissimè autem purgationibus? At vos hoc semper facitis. Propterea meritò dicimus vestra decreta à Gal. mente longè aliena: cum id quod ipse rarissimè expedire significauit, vos sæpissime tentetis. Verùm cum hi Gal. sententiam contra eos quoq; esse aperte videant, ob id eam iuxta proprium decretum interpretari studēt. Non omnes tamen eandem loci illius expositionem afferunt, sed quidam Hip. & Gal. eam purgationem in morborum initijs admittere aiunt, quam prima etiam Aphorismorum parte ij concesserunt: dum videlicet turgent humores. Cum autem rarò contingat humores turgere,  
prop-



propterea rarò etiam in morborum principijs purgandum. Quod per illam dictionem, nonnunquam, significauit Galenus, rarò indicans purgationes in initijs morborum adhibendas esse, quando scilicet turgent, quod quidem rarò euenit. Alij verò ex huius sectæ autoribus non hanc, sed aliam illius sententiæ approbant expositionem. Quod videlicet Gal. de ea purgatione loquatur, qua illa solummodo quæ in ventre continentur educi solent. De qua Auicenna quarto canonis in verbis supra adductis ex capite de cura febrium putridarum in generali locutus est. Non desunt etiam tertij, qui hac expositione reiecta, propter dictionem illam, purgationibus, qua usus est Gal. alias perquirunt. Quod quidem (mea sententia) signum euidentius est quod nemo illorum veritatem ipsam propè attingit. Nam veritas undequaque sibi viam parat, cumque inuenta est clarissime elucescit. Verum quantum ij aberrant in sequentibus demonstrabimus. Nunc enim ad Auicennam redeundum est quem minorantium secta precipuum sui decreti defensorem profitetur. Nam is quarta sen. primi canonis de purgationibus tractans, post multa tandem ex Galeni decretis docet in morbis diuturnis concoctionem semper expectandam, priusquam



# P R I M A

corpora purgemus: similiter & in acutis, modo humores non turgeant. Quo facto, hæc Auicenna Galeni præcepta ferme limitans, ait. Et similiter cum non fuerimus securi q̃ virtus vsque ad maturitatis horam perduret euacuabimus eam postquam nobis cauerimus vt eius grossitiem & subtilitatē sciamus. Ex quibus inquit ij, verbis, liquido constat Auicennam huiusce fuisse opinionis: quod scilicet si periculum adsit, ne virtus ita à morbo opprimatur vt nō possit vsq; ad summū eius vigorem durare, tunc purgandū esse etiam q̃ humores nullo modo turgerent. Quod longè etiam clarius quarto canonis his verbis ostēdit. Et similiter cum times victoriam humoris magis necessaria cautella est euacuatio. Et si non est degestus nō moueas nisi in principio. Iuxta itaq; Auicenna præcepta crudis existentibus humoribus quāuis non turgeant, purgandum est corpus, vt virtute exonerata melius atq; facilius ea morbo resistat. Hoc in particularium morborum curatione ipse etiammet Auicenna sapissimè obseruauit. Nam (vt ceteros breuitatis causa omittā) quarta canonis in pestilentiū febriū curatione, statim ab earū initijs purgationem præcipit hæc scribens.

Sum-



Summa curationis earum est alleuiatio & illud cum phlebotomia & solutio ventris, & oportet vt incipiatur in ea ad euacuandum. Si autem materia vincens fuerit sanguinea fiat phlebotomia: & si fuerint alij humores euacuentur. *Illud idem in Alopecia curatione eū obseruasse certissimum est. Nam quarto canonis de ea differens hunc in modum scribit. Non est dubium quin rectificatio regiminis in ea sit euacuatio illius humoris facientis imprimis. Et paulo inferius Et incipiat prima res cum euacuatio- ne corporis imprimis ab humore faciente cum medicinis educantibus ipsum aut cum phlebotomia, si materia exiguerit illud. Quā quidem sententiam à Galeno sumpsit primo de compositione medicamentorum secundum locos, qui de alopetia curatione hæc ait. Quare in istis primū totius corporis purgationem adhibebis aut pharmaco pituitam ducente exhibito: aut q̄ bilē pallidā, aut nigram trahit: coniectura redundātis humoris ex colore cutis facta. Ego verò semper perhierā purgaui. Et quæ deinceps. Ex quibus manifestissimè apparet Auicenna præceptū ex Gal. transumptū esse. Cū itaq; & Auicenna &*



# P R I M A

Galenus conformes in morborū initijs humores  
minimè turgentes purgent, qd prohibet aiūt ij,  
nos quoq; eorum exemplo, id efficere? His & cō-  
similibus rationibus, & antiquorū medicorum  
authoritatibus seipsos tutari nituntur: qui cru-  
dos ac quiescentes humores purgare consueue-  
runt. Atq; alterius sectæ rationes vnica solutio-  
ne se diluere putant: nempe duplicē purgationē  
statuentes, vnā quidē minoratiuam: (ita enim  
eam appellant) qua pars quædam humorum so-  
lummodò è corpore ducitur: aliā uerò eradicati-  
uam, (sic enim eā vocant) qua tota humorū pra-  
uorū moles expurgatur. Harū purgationū prio-  
rem ante humorū concoctionem tentari debere  
contendunt, postremam uerò non. Quam Hip.  
& Gal. in locis contra eos per aliā sectam addu-  
ctis ante concoctionem humorū prohibuerunt.  
Hæc sunt boni veritatis cultores, quæ ab utraq;  
medicorum secta pro suarū partium defensione  
adduci solent. Quæ tantā fidem facere videtur  
ut merito ancipites reddantur qui ea aliquan-  
do intelligunt: atq; in quam partem inclinent,  
pænitus ignorent. Verum quantum omnes à re-  
cta veritatis via aberrant, in sequenti huius o-  
peris parte lucc clarius ostendemus. Hæc enim  
pars sufficientem magnitudinem adeptæ est.

Neote-



**N** Eotericorum medicorum varias, ac pœnitius inter se discrepantes sententias, de humorum crudorum purgatione, ac rationes quibus propria decreta firmare nituntur, hucusq; recensuimus. Nunc autem quantum omnes (eorum pace dictum sit) à veritate sint alieni aperiendum. Quod ut facilius fieri possit, singula dictarum opinionum ad examen reuocemus: à minorantium secta sermonis exordium capientes. Inter eos verò qui huic sectæ inhaerent, illi mihi maximè reprehensione digni videntur: quod non solum in morborum initijs, sed in eorū quoque in clementis ac summis vigoribus ægrotantes purgare non verentur. Aduersus enim hos, primo est Hip. sententia secunda Aphor. parte, quæ hunc in modum se habet. Cum morbi inchoant si quid mouendum videtur moue: cum verò consistunt ac vigent melius est quiescere. Quam explicans Gal. horum opinionem apertissimè his verbis confutauit. Circa initia verò illorum morborum, in quibus speramus ægrotum conualiturū tentandum est maiora afferre remedia de quibus Hippocrates dixit, Si quid videtur mouendum moue, sunt autem hæc maximè quidem uenæ sectio, nonnunquam



## S E C V N D A

vero & purgatio. Quorū nullum oportet morbo iam consistente adhibere. Cū hic Gal. in summis morborum vigoribus & sanguinis missionem & purgationem omnino prohibeat dicēs, Quorum nullum oportet morbo iam consistente adhibere, quis per deum immortalem illorum decretum non damnabit? Nemo certe qui frugit vir. Eorum autem quæ in eo aphorismo dicta sunt reddens rationem Galenus in libro de optima secta ad Thrasibulum eos nō minus redarguit, hoc scribens. Cumq; dixit Hippocrates inchoantibus morbis si quid videtur mouendum moue: in summa enim vehementia quietē agere præstat, non à morbi tempore impulsus auxilia interdicat. Nouerat enim in morborum initijs facultatem valētem esse: proptereaq; remedium applicationi non obstare. Sed in morborum vehementia iam flaccidens remedium agitationem nō sustinet. Hæc ille. Ex quibus me hercle clarissimè constat hos ab eius atq; Hippocratis mente penitus alienos. In acutorum quoq; morborum incrementis ac summis vigoribus in quibus potissimum y purgare non verentur Hip. prima Aphor. parte purgationes interdicere videtur dum ait. In

acutis



acutis passionibus raro & in principijs  
medicinis purgantibus vti, & hoc cū præ-  
meditatione faciendum. Quod longè cla-  
rius Galenus secūdo in primum prorrh-  
etici commentario his verbis nos docuit.  
Nullus etenim ita affectos purgare ingre-  
ditur, vt dictio ostendit: cū hoc quod pro-  
cedente morbo fieri hæc commonstret,  
& non circa principia, quando in acutis  
solum purgandi est occasio. *Quid clarius  
contra eos dici aut excogitari potest? Aduersus  
illos Auicenna quoq, est quarto canonis in fe-  
brium putridarum generali curatione, qui (vt  
in prima huius operis parte dictum est) præci-  
pit postea quæ in febrium initijs sunt adhibēda,  
(quæ paulò superius docuerat) nos in alio versa-  
ri non debere quam in humorum concoctione,  
& purgatione quæ non sit (vt ipse ait) secūdam  
semitam minorationis & alienationis. At ij,  
trāsactō etiam febrium putridarum principio  
nihilominus egrotantes suis minoratiuis pur-  
gationibus tentare audent. Accedit ad hoc e-  
iusdem Auicennæ sententia eodem capite scri-  
pta quæ illius decreti falsitatem apertissimè de-  
monstrat. Ait enim. Et similiter si times vi-  
ctoriā humoris magis necessaria cautela*



## S E C V N D A

est euacuatio. Et si non est digestus nō moueas nisi in principio apud statū verò non moueas aliquid. *Toto itaq; (ut aiunt) cælo ij à recta veritatis via aberrant. Eos igitur omit-*  
*tamus: ac quantopere alij simul cū ijs delinquāt*  
*in principijs morborum crudos & quiescentes*  
*humores purgantes contemplemur. Atqui cū*  
*omnes excretiones per aluum à natura factæ si-*  
*ne concoctionis indicijs, vel nihil conferāt, vel*  
*officiant egrotantibus: quid de ea sperandum*  
*quā isti sua illa minoratiua purgatione tentāt?*  
*Quod si illud quispiam ex eis negaret: audiat is*  
*parumper Gal. secundo in primum prorrhetici*  
*comentario id clarissimè asserentem. Nempe*  
*alius (inquit) in quouis morbo profuēs*  
*sine quidem concoctionis signis (quæ sæ-*  
*pius audiui) nihil iuuat: si verò implaci-*  
*dus operata fuerit præter id quod nihil*  
*iuuat noxam etiam affert. Hoc idē magnus*  
*etiam Hip. secunda in primum de vulgaribus*  
*morbis parte his verbis nobis significauit. Præ-*  
*terea quæ violenta erant statim opprime-*  
*bant vel nihil proderant. Quam sentētiam*  
*explicat Gal. illud apertissime affirmat dicens,*  
*Qui procedunt morbi à cōcoctionis dif-*  
*ficultate & copia crudorum humorum,*  
nullum



nullum ab excretionibus consequuntur  
 emolumentum. Dixit enim multas violen-  
 tas confestim opprimere vires: at quæ tales non  
 sunt nihil iuuare. Hoc idem quarta Aphoris.  
 parte, quarto de praesagatione expulsibus, & a-  
 lijs plerisque in locis Gal. voluisse certissimum est.  
 Cum itaque alui excretiones à natura etiã factæ,  
 ante humorum concoctionem aut nihil prosint  
 aut agrotantibus officiant: quid quaeso de ea spe-  
 randum est, quam isti purgatorio medicamen-  
 to procurant? Equidem cum rem ipsam diligenti  
 examine perpendo, nihil aliud horum facinus  
 mihi videtur quàm naturam irritare: eamque ut  
 ita dicam, cogere ut ante debitum tēpus ac præ-  
 ter occasionem morbum iudicet. Quod Gal. fer-  
 me consulto reprehendens tertio de diebus de-  
 cretorijs hæc scribit. Præuenire autē crisin  
 quæ Hip. πρὸ ἐκκρίσεως (quasi dicas prærum-  
 pere) appellare cōsuevit malum est. Nam  
 idonea simul cum his quæ lædunt excer-  
 nuntur, fitque hoc natura incitata vel ab ex-  
 teriore quodam, vel ab ijs quæ in ipso cor-  
 pore detinētur. Extrinsecus igitur est me-  
 dicus qui parum rectè quid fecerit. Quid?  
 Medicus inquit. qui parum rectè quid fecerit,  
 causa quandoque est naturam incitans ut præter



## S E C V N D A

*occasionem & ante debitum tempus humores  
 excernat. At quonam magis ad id excitari po-  
 test quàm si purgatorio medicamento eam irri-  
 temus? Verùm inquit ij, natura parte quadā  
 humorū deonerata, quod supererit facilius vin-  
 cet. Facilius vincet? cur non potius id ei accidet  
 quod paulo inferius idem Gal. scriptū reliquit?  
 Considera mihi inquit, tale quid in natu-  
 ra accidisse quod hominibus cōtingit qui  
 fortioribus quibusdam irritati pro neces-  
 sitate impetum faciunt inuaduntq; eos,  
 & imparati pugnantes superantur. Quin  
 etiā onus deponere quis volens interim,  
 vel inuitus cum eo cōcidit. Et quæ sequun-  
 tur. Qua oratione satis apertè eam natura exo-  
 nationem quam isti tantopere extollunt dā-  
 nare videtur. Nam & ij naturam medicamen-  
 to purgatorio irritantes, eam cogūt vt intem-  
 pestiue humores excernat. Eam itaq; exonerare  
 volentes simul cum onere precipitem dant. Eo  
 enim incitata medicamento, vnā cū prauis bo-  
 na etiam excernens simul cū onere corrui. Præ-  
 terea cum humores quiescunt eos ignorare cer-  
 tissimum est, in quem partem inclinationem ha-  
 beāt ad superiora ne, an ad inferiora? per quam  
 igitur partem expurgare pergent? Verū hoc tam  
 quam*



quā leue prætermittatur, illud certè prætereun-  
dum non est, q̄ motu qui in purgatione contin-  
git concoctionem impediunt. Nam cum natura  
optimè concoquat humores quiescente corpore,  
quis vnquam duditare potest eam à concoctio-  
ne distrahi, vi purgatorij medicamenti commo-  
to corpore: ipsaq; ut ita dicam, fracta? Quod a-  
nimaduertens Hippocrates quarto de ratione  
victus in morbis acutis hanc sententiā protulit.  
Corpus quieti permittere, & æqualiter cō-  
tegere oportet. mulsamq; aquosam, & pti-  
sanæ cremorem sorbendum dabis. Ven-  
trem ab initio clystere duces: sed medica-  
menta purgātia non admovebis. Nempe  
si ventrem moueris vrina non maturabi-  
tur: febrisq; citra tum sudorem tum iudi-  
cationem in lōgius protrahetur tempus.  
Hæc Hip. Quorum rationem assignans Galen.  
hæc inquit. Præterea & neq; violenter exca-  
lescere, neq; refrigerare, sed lenire mul-  
cereq; quibus maximè indigent quæ con-  
coquuntur maturanturq;. Quod si hæc  
humorum concoctioni conferunt, pur-  
gationes contrariæ existunt. Nempe cor-  
pus vehementer mouentes frangunt. Ta-  
li siquidem virtute prædita sunt omnia-



## S E C V N D A

quæ purgant medicamenta. Hæc est ergo  
 causa, cur purgationes concoctionibus  
 aduersentur. Cum itaq; medicamenta omnia  
 quæ purgant talis sint natura ut corpus vehe-  
 menter commoueant, & propter hoc concoctio-  
 ni aduersentur, quis per deum immortalem hos  
 non reprehendet, qui ante humorum concoctio-  
 nem agrotantium corpora purgationibus ten-  
 tā: etiam quod ij nullo modo moueantur? Cer-  
 tē nemo qui sana sit mentis. Nam ob id & mor-  
 bos tardius sanari, & quandoq; insalubres red-  
 di distracta natura à concoctione, clarissimum  
 est. Accedit ad hæc contra hos eiusdem Galeni  
 præceptum quarto de ratione vietus in morbis  
 acutis: quod sententiam Hippocratis dicentem.  
 quibus principio vrinæ & nebulosæ & cras-  
 se existunt hos annuentibus cæteris pur-  
 gare oportet, explicans his verbis nobis  
 tradidit. Siue ijs quæ in ante dicta oratio-  
 ne relata sunt hæc cōiungit, siue nō quod  
 ex ipsis utile quis habere comune potest  
 quod scilicet corporis purgationem pro-  
 fus vitare oporteat cum in humoribus a-  
 dest cruditas manifestauit, inquiens vri-  
 næ tenues, tanquam crassæ concoctionis  
 notas habeant. Non solum igitur eradicatiue

purga



*purgationes vitanda sunt crudis existentibus humoribus, sed etiam minoratiua ut eorū verbis utar: cum in preposita oratione Gal. prorsus interdicit purgationes, quando in humoribus adest cruditas. Hocq; potissimum faciendum quando una cum humorum cruditate vehemens quoq; febris egrotantes infestat. Quod Hip. in lib. de purgatorijs medicamentis aperitissime nos docuit, dicens. Quicumq; sanè validis febribus corripuntur his vsq; ad remissionem medicamenta purgatoria, ne dato. Sin id nolis saltem ne citra quartumdecimum diem. Et paulo inferius. Quamobrem purgatoria, medicamenta in febribus magnis ne ore summantur præcipimus. In qua re quantopere minorantium secta peccet magis certum est quam ut probationis ullius egeat. Eos itaque missos facientes ut potè ab Hip. & Gal. pænitus alienos, alterius sectæ decreta ad examē reuocemus. Quid igitur eius authores inquiunt? In morborum initijs nisi turgeant humores nullo modo purgandum esse. At eos à veritate abhorreere imprimis ostēdit Hippocratis consuetudo in curatione lateris doloris quam secundo de ratione victus in morbis acutis nobis tradit, dicens.*



## S E C V N D A

Sin autem eas quæ sunt sub sæpto trans-  
uerso partes dolor infestet, nullumq; ad  
clauiculam signum fecerit ventrem vel  
nigro veratro vel peplio mollire oportet.  
*In doloris itaq; lateris principio quando dolor  
ad inferiores costas pertingit purgationem præ-  
cipit Hip. Non ergo semper ante corporis purga-  
tionem, ex eius decretis expectanda est humorum  
morbum causantium concoctio: sed quandoque  
etiam q̃ humores nõ turgeant in morborum prin-  
cipijs corpus purgandum. Rem autem ipsam ita  
se habere Hip. sententia paulò posterius scripta  
manifestissimè demonstrat: quæ eiusmodi est.*  
Cæterum veratrum nigrum tum melius  
tum iuuantius ad iudicationem quam pe-  
plium ventrem soluit. Cùm Hip. veratro ni-  
gro expurget ut melior sequatur iudicatio, pro-  
pterea dicendum est eū ante morbi concoctionē  
purgare: & potissimum cū id in principio late-  
ris doloris faciat. Quod si quis negare non ve-  
reatur: respiciat is parum per seriem verborum  
Hippocratis & id sibi luce clarius constabit.  
Nam de dolore lateris quando ad clauicu-  
lam pertingit prius loquens dicebat: sed  
si quidem dolor ad clauiculam pertinge-  
rit, ant molesta sit vel brachio vel māmæ  
vel



vel partibus septo trāsuerso superioribus  
grauitas, internam cubiti venam secare  
expedit, & quæ sequuntur. *De dolore verò  
lateris qui partes infestat sub septo transuerso  
positas, sermonem habens ita inquit.* Si autem  
cas quæ sub septo transuerso sunt partes  
dolor infestet nullumq; ad clauiculam  
signum fecerit ventrem, vel nigro vera-  
tro, vel peplio mollire oportet. *Dictio, au-  
tem, in posteriori oratione posita quæ, ut ait Io.  
Grammaticus primo de generatione & corru-  
ptione, cui etiam consentit Gal. primo in librū  
de fracturis commentario orationem nunquam  
omnino incipit: sed ante dictis alijs, subiungē  
consuevit) eam superiori cōiungere videtur: cum  
itaq; in superiori dictione præcipiens sanguinis  
missionem in dolore lateris faciendam id circa  
principia eius affectionis maximè imperet, pro-  
pterea merito dicendum est Hip. quòq; in poste-  
riore eodem tempore dolore ad inferiores costas  
pertingente purgationē præcipisse, & ante mor-  
bi cōcoctionem. Quod Gal. etiam in eius sentē-  
tiæ explanatione sentire visus est, hæc scribens.  
Cōsiderare igitur hæc, atq; in memoriam  
tenere nos oportet: sed non perpetuo vti  
debemus, ad memoriā reuocātes Aphor.*



## S E C V N D A

illum vbi dicitur, in acutis morbis raro & in principijs purgantibus medicamentis est vtendum. Vbi igitur inquit, nō solūm acutus morbus fuerit cuiusmodi est pleuritis, verūm & cum febre vehementissima multo magis vitāda est purgantis medicamenti administratio: atq; per sectionem venæ vacuandum magis, etiam si ad Hypochondrium dolor finiatur. *Frustra hic Galenus Hippocratis præceptū (vt ita dicam) limitasset: Aphorismūq; adduxisset dicentem, in acutis morbis raro & in principijs medicinis purgantibus est vtēdum, nisi Hip. in lateris doloris principio purgandum præcipisset. Præterea non recte commutasset purgationem quam Hip. concessit, in sanguinis missione, cum hæc post prauorum humorum concoctionem in morbis haud administranda sit. Itaq; dicēdum est Gal. eo tempore purgationem præcipere quo Hip. purgandum censet. Illud autem ante cōcoctionem humorum morborum causantium faciendum. Igitur quandoq; etiā purgandum priusquam humores qui morborum sunt cause cōcoquantur. Quod tamen isti nullo modo tentandum existimāt. At forte (quod multos eorum facere intelligo) tūc humores turgere cōtendēt:*  
*duplexq;*



duplexq<sup>ue</sup> esse turgentium humorum genus: unum quidem quando huc & illuc per corpus vagantur nullamq<sup>ue</sup> sedem determinatam inuadunt: aliud verò quando ij ad unum locum feruntur, qui tamen excretioni idoneus sit. Quod in lateris dolore, quādo is ad septem transversum pertingit, potissimum accidit. Non enim tunc humores turgere dicuntur quia huc & illuc incerto motu per corpus ferantur: sed quoniā eorum motus ad locum inclinationē habet: qui excretioni accommodatus est. Hoc multi ex eius sectae authoribus pro sui defensione dicere solent, idq<sup>ue</sup> ex eiusdem Galeni verbis confirmare nituntur, quae octavo de compositione medicamentorum secundum locos ab eo scripta sunt dum Themisonis hieram exponit. Inquit enim. Concoctis medicandum rectē scripsit Hip. non crudis neq; per initia nisi turgeant, hoc est, nisi motus ad excretionem irritet. Ecce aiunt ij, quod Gal. turgere humores dicit quando ad locum excretioni accommodatum mouetur. Cum ergo Hip. eo in morbo respiceret humores ad inferiores costas inclinationem habere: & ex consequenti moueri versus locum excretioni commodum, eaq<sup>ue</sup> ratione turgere, propterea tunc purgandum censuit. Hac illi. Sed (eorum pace,) C



## S E C V N D A

dixerim ab Hip. ac Gal. mente eos longè aberrare. Atq; imprimis, si id q̄ isti asserunt verum esset iure optimo Gal. foret damnandus qui sententiam eam Hip. fermè limitās in memoriam reuocauit Aphorismum dicentem. In acutis morbis rarò & in principijs medicamentis purgantibus est vtendum. Nam quispiā meritò dicere posset: ò præstātissime, cū humores turgeant, in lateris dolore (quando is ad septum transversum pertingit:) quid itaq; prohibet etiam quod morbus sit acutus purgare? Nōne ut tu etiam in Aphor. fateris, quando humores turgent in acutis quoq; morbis purgare nobis licet? Quod cū sit: cur itaq; sanguinis missionē purgationi præponis? Præterea iudicium Galeni destruunt qui talia affirmant cū prima Aphor. parte, & quarta, primo de crisibus, sexto de vulgaribus morbis, & ubiq; asserat dictionem hāc turgere, ab animalibus ad coitum concitatis transumptam esse. Vt enim ea titillata atq; impulsā à vehemēti coitus desiderio, loco stare nesciunt: sed huc & illuc concitata moventur, ita & humores aliquādo in morborum principijs vehementiore motu ab una parte in aliam feruntur: suoq; transfluxu de vno membro ad aliud agrotantem infestant mouentes

titil-



titillantes, & quiescere non permittentes: cum  
& ipsi pariter moueantur & transfluant. Cum  
itaq; hæc sic se habeant, quis vnquam recta ali-  
qua ratione dicere poterit, humores, qui ad lo-  
cum expulsionis mouentur, turgere? Nemo cer-  
te si rectè Gal. dictionis illius etymologiam no-  
uit. At forte quispiam eorum dicet aliud hoc  
esse turgētium humorum genus. Verum qua ra-  
tione turgentes vocantur? Aut cur Gal. de hoc  
turgentium humorum genere in Aphor. nō me-  
minit? Huius rei causam vllam probabilem ij  
afferre nequeunt: cum nulla adsit. Illud igitur  
turgere quod isti imaginati sunt, purum est  
eorum figmentum: nec illius vnquam memin-  
it Gal. Nec id quod adducunt ex octauo de compo-  
sitione medicamentorum secundum locos fidem  
vllam facit: cum sententiam eam quam pro suæ  
opinionis tutela afferunt nullo modo intelligāt.  
Quod ut demonstrare possimus eam repetamus  
ac ipsam parumper melius contemplemur. Con-  
coctis (ait) medicandum rectè scripsit Hip. Nō  
crudis, neq; per initia nisi turgant: hoc  
est, nisi motus ad excretionem irritet. Huc  
usq; vt opinor, solummodo ij legerunt, qui asse-  
runt turgentes humores vocari quando mouen-  
tur ad locum excretioni accommodatum: hoc



## S E C V N D A

enim modo exponunt id q̄ in oratione dicitur,  
 nisi motus ad excretionē irritet. At res longe se-  
 cus se habet. Nā moueri ad excretionē humores  
 dixit, cū turgēt, hoc est, ad euacuationē p̄perare.  
 Humores turgētes appellātur quādo ad exitū pa-  
 ratissimi sunt, & ad euacuationē properāt ut 6.  
 de vulgaribus morbis testatur Gal. Verū & si  
 tales sunt non tamē mouentur ad sedem deter-  
 minatam qua exerni cōmode possint, sed huc &  
 illuc quærentes viam per quam excernantur,  
 per corpus feruntur: nequeunte scilicet natura  
 ob eorum prauitatem & molestiam quam ei in-  
 ferunt, dirigere illos ad loca excretioni ac com-  
 modata. Et propterea post dictam orationem  
 statim subdebat Gal. Et nōdum vllam habet  
 motus scilicet ad vnam partem inclinatio-  
 nē firmam, stationēq̄. Quomodo igitur  
 humores moti ad locum expulsionis turgentes  
 dici possunt si turgentes humores non mouētur  
 ad sedem determinatam? nisi forte dictionem,  
 & pro, aut. Galenum sumpsisse dicant: ut de du-  
 plici eo turgētium humorum genere locutus sit.  
 Quod quā rectum: quāq̄ consuetudini scri-  
 bendi Galeni conueniat vnusquisq̄ vel modice  
 in eius libris versatus facillimē cognoscet. Ad  
 hac dum dolor lateris ad iugulum pertingit, cū  
 humo-



humores moueatur versus os (locū sanè excretioni valdè accommodatum) cur itaq; turgentes non appellabuntur? Quod quidē lenge probabilius diceretur, cum maior sit affinitas inter costas superiores & os, quàm inter inferiores & intestina? Aut si & ij turgent, quàm igitur ob rem Hip. per superiora non purgat? Sed ne contētiose cum eis rem agere velle videamur ipsis parumper condonemus, eos etiam humores turgentes appellari, qui ad loca excretioni accommodata mouentur. Quid tum? Erunt ne propterea humores ad inferiores costas lati turgētes? Quis enim quāso est hic locus expulsionis, ad quē uere eos tunc moueri dicere valeamus? Nūquid intestina? cum Hip. per aluum purget. Verum cum inter costas inferiores & intestina ea non sit affinitas, ut humores qui ad membranam costas succingentem è venis confluunt, dici possint ad intestina ut ad loca expulsionis accommodata, ferri: propterea neq; illud eos unquam dicturos existimo. Quippe qui non ignorant per maximam ac longissimam viam, quæ pectus infestant ad aluum ferri: eaq; plurimum, per pulmonem tussi excerni. Humores igitur in lateris dolore, qui ad septum transuersum pertingit, ad locum expulsionis idoneum non mouentur.



## S E C V N D A

Nisi fortè dicamus eos moueri ad concauitatē  
 pectoris, vt ad locum per quem facile excerni  
 possunt. Cur ergo Hippocrates excretionem per  
 aluum tentauit? Quid ad hoc respondere ij va-  
 leant, certè non video. Fortè dicent, ob id humo-  
 res tunc versus intestina moueri quia ad infe-  
 riora feruntur: intestina uerò infra situata sunt.  
 Sed cur ò optimi logici à pari dicere non poteri-  
 mus, quando dextera pars pectoris, affecta est,  
 humores ad vias vrinae ferri, quæ inferius etiā  
 situata sunt? Quod longè probabilius affirmabi-  
 tur: quando gibba Iecoris pars (per quam facilis  
 est ad vias vrinae transitus) costis inferioribus  
 coniunctissima est. verum ne diutius quam par  
 sit, in re planè falsissimā uersumur: si ipsum Hip-  
 si Galenum (non tantum dicam semel, sed sepiissi-  
 mè) in morborum initijs, non turgentibus hu-  
 moribus, neq; motis ad loca excretioni apta, pur-  
 gantem ante morbi concoctionem reperiemus:  
 quid ij, tandem dicent? Hippo. itaq; secundo de  
 fracturis docens quæ ratione procuranda sit san-  
 guinis suppuratio: illius nempe, qui fracto calce,  
 è venis disruptis in adiacentibus partibus col-  
 ligitur: hac de eorum purgatione qui taliter af-  
 fecti sunt, scribit. Melius aut est, vt veratri  
 potionē aut eodē aut postero die exhibe-  
 amus



amus ac 3. post die soluamus: & rursus deligemus. Quod Gal. paulo inferius, in alterius sententiae expositione, ferme explicans ait. Non supurat autem sanguis cum inflammatio magna superuenit aut ex prauitate delegationis, aut ex humorum malignitate, & multitudine, quam ipse quidem ex inani- tione per medicamenta, nos sanguinis mis- sione emendamus. Hip. igitur ut sanguis ex- tra venas in partibus calci adiacentibus colle- ctus, melius suppuret: eo tempore purgare con- suenit, quo Gal. sanguinem mittebat: ante itaq; morbi concoctionem. Hoc idem quarto de arti- culis eundem Hip. fecisse comperimus. Nam pra- cipiens, ne tibiae ossa luxata, cum exterius appa- rent reponantur: atq; eius praecepti causam ex- ponens tandem post multa haec autem inquit. Sed neq; veratrū mihi videtur & eodem die exhibitum & rursus epotum praesidio futurum. Haec certè frustra ab Hip. dicta fuif- sent, nisi ipse credidisset veratrum nisi ossa re- posita sint, eodem die epotum, pro futurum. In morborum ergo principijs quandoq; purgauit Hip. etiam quod humores non turgerent, nec ad locum excretioni accommodatum impleren- tur. Quod in libro quoq; de ulceribus illum fe-



## S E C V N D A

cisse, eius sententia satis aperte demonstrat. Ait enim. In omni vlcere cui erysipelas superuenit purgari corpus oportet, qua parte maximè vlseri conducit, siue id per superna, siue per inferna. Sed erysipelas vlceri superuenire nequit, pure optime concocto. prius igitur quam morbus concoctus sit, purgandum præcipit Hip. in erysipelatis, vlceri superuenientis, principio. In angina quoq; principio Galenū quandoq; purgasse ex eius verbis acutis scriptis, liquido apparet. Inquit enim cum itaque in faucium venis tales impacti fuerint humores, pars in tumorem attollitur veluti guttur ex alijs, tanquam sanè gutturis quā faucium multo stritiores sint venæ. Corpus autem vacare excrementis debet: et non plethoricum esse, geminam ob causam nempe tum ob eam quæ à vacuatione est reuulsionem, tum quod vacuato corpore, cum à parte affecta quod influit expellimus, id facilius consentit: nihilq; si qualido aliquo euaporare volueris, à corpore ipso parti calefacte mittetur. Corpus igitur secta vena euacuare oportet, & purgatione, & clysteribus. Hic Gal. eos purgandos censet, qui angina tentantur: & propter  
 reuul-



reuulsionem, quæ sequitur corporis euacuationē  
& ut repellentibus medicamentis fluentes hu-  
mores magis consentiant. At hæc non nisi in an-  
gina principio tentanda sunt, ut ipse met ubiq;  
testatur, & non postquam morbus concoctus est  
igitur ante morbi concoctionem in angina pur-  
gare corpus nobis licebit. Quod quidem 6. etiam  
de compositione medicamentorum secundum lo-  
cos his verbis repetit. Verum nunc adeo  
nihil opus habemus eiusmodi determi-  
nationibus. Sic enim nos ubi ad memoriā  
reuocauerimus quomodo totum corpus  
præparare ad curationem affectuum circa  
quamcunq; partem consistentium oport-  
eat, ad institutum p̄grediemur. Etenim  
venæ sectione utimur & purgatione, &  
clysteribus, & inedia, ubi totum corpus  
apparuerit aut multitudine humorum re-  
fertum, aut eorundem malitia vitiatum.  
Si verò neutrum eorū adsit, statim ad cu-  
rationem per remedia localia peruenie-  
mus. Ante itaq; repellentium medicamento-  
rum adhibitionem, hic quoq; Gal. purgandum  
præcipit. Hæc autem non nisi ante morbi conco-  
ctionem inflammata parti applicari debent, igi-  
tur priusquam concoctus sit morbus (etiā quod



## S E C V N D A

humores nullo modo turgeant) corpus purgare nobis concessum est. Quod tamen isti omnino negant. Hemicraneæ etiam curationem secundo eiusdem libri docens Gal. ante localium (ut ita dicam) medicamentorum administrationem, aut purgationem, aut sanguinis missionem tentare videtur. Quapropter (inquit) ubi quis hæmicraneam curare aggreditur, prius quali purgatione aut sanguinis missione æger opus habeat consideret, priusquam scilicet localia medicamenta capiti applicet: ut ex sequentibus verbis clarissimum est. Hoc idem quarto etiam illius libri, in curandis fluxionibus quæ oculos infestant Galenum voluisse satis constat. Verum sexto, remedia Archigenis ad inflammatos gurguliones referens, tam apertè id asserit ut nemo ulterius hac de re dubitare queat. Quid enim ait? Eis verò qui suffocantur picem & nitrum cum aqua in potu præbe: nō possum mihi persuadere qua ratione sit dictum. Imò neq; ex præceptoribus aliquem, neque alium ullum eo utentem vidi, neq; etiam ipse in usum sumere tentavi. At verò veniam secare his qui suffocantur, & eluere forti, atq; acri clysteri, & purgatoria exhibere gratia



tia euacuandi vniuersum corpus, & transferendi infra humorum momētum, qui ad affectas partes feruntur, rationabile est & multa experientia iudicatum, & cognitum. *Purgat hic Gal. non solum euacuandi corporis gratia, sed etiam reuellādi. Quod quidem concoctis humoribus in inflammatione contentis minimè expedit. In libro quoq; de atra bile idem Gal. horum decreto maximè aduersatur, hac inquit. Cæterū de atra bile quæ longa experientia mihi certè cognita cōpertaq; sunt, nunc addam: sanè pro futura ijs qui medicæ arti non sophisticis sermonibus, sed operibus student. Omnes enim quotquot ex melāchōlico humore fiunt affectus statim inter initia strenue purgans, crescere prohibebis, vel vsq; ad can-cros. Quid clarius contra hos dici aut excogitari potest? Cū id quod isti tā audaciter damnant Galenus apertissimè laudat? Sed quid in his diutius moror, cū Gal. 13. methodi medendi in inflammationibus quæ adhuc sunt clarissimè purgationem concedat. Siquidem (ais) iam febricitet æger, nec excercitatione euacuatione euacuare exuperātiā licet, nec vnctione quæ excalefaciat, sed nec*



## S E C V N D A

multa frictione, nec balneo: sed sanguinis  
 missione vnà cum inedia, vel purgatione  
 aliqua. *Quod in oculorum inflammationibus*  
*se obseruasse paulò inferius testatur, hac scribēs.*  
 Siquidem ex his quibus oculi tentari in-  
 flammatione coeperant: nonnullos sola  
 purgatione per aluum vno die sanatos vi-  
 disti. *Ecce quàm apertè hic Galenus in princi-*  
*piis inflammationum se quandoq; purgasse te-*  
*statur. Hoc idem in erysipelatis curatione eum*  
*fecisse, quæ ab illo 14. eiusdem libri scribuntur,*  
*clarissimè demonstrat. Inquit enim.* At quo-  
 niam erysipelas non quantitate modo af-  
 fligit, sed etiam ex vehementi incensione  
 qualitate ipsa cruciat, ampliorem refrige-  
 rationem quàm inflàmatio requirit. Nec  
 tamen non periculosa toti corpori est hæc  
 euacuatio, propterea quod bilis interim  
 ad aliquod princeps membrorum fertur.  
 Quippe cum si vel sanguis ipse abundet,  
 haud tutum sit ex minoris notæ membris  
 fluxionem eius repellere. Tanquam igi-  
 tur in illa post totius corporis euacuatio-  
 nem repellentibus auxilijs vsi sumus, ita  
 nunc quoq; faciemus. Sed pro sanguinis  
 missione medicamento quod bilem tra-  
 hat



hat purgantes, Eo itaq; tempore purgat Gal.  
in erysipelatis curatione, quo sanguinem mitte-  
bat in inflammationibus: ante videlicet repel-  
lentium medicamentorum vsum: igitur prius-  
quam morbus concoqueretur. Quod etiam in  
herpete miliari ibidem eum fecisse comperimus  
plurimisq; alijs in locis. Quæ cum ita se habeāt,  
ut ostensum est, propterea hanc etiam sectam ab  
Hip. ac Galeni mente longè alienam iudicandū  
est. Dua itaq; præposita sanctæ ab ipsa veritate  
pænitus deuiant, aduersus quas multa etiam a-  
lia, quæ pleniorē fidem facerent adduci pos-  
sent, sed ea quæ adducta sunt sufficere arbitror,  
ad earum falsitatem estendendam. In sequen-  
tibus enim nostram opinionem exponentes  
adhuc clarius harum errores detegemus:  
propterea ne pars hæc longior  
quàm iustum sit, reddatur,  
ei finem imponentes  
ad tertiam acce-  
damus.





### TERTIA PARS.

**C**um proposita quaestio, vera (ut opinor) ratione explicari nequeat, nisi prius diligenti examine perpensum fuerit: quidnam sit prauorum humorum concoctio, propterea opere praetium facturum me existimaui. si priusquam eius dissolutionem aggrederer, id ex Hip. quoque, ac Galeni decretis, explicare niterer. Verum quoniam negotium hoc, non minus medicos huius aetatis turbauit, quam id quod primo à nobis intentum est, ob id in hoc etiam absoluendo (ut in utrisque eundem ordinem seruarem) ab aliorum decretis exordiri decreui: atque quantum omnes aberrant, pariter demonstrare. Quidam itaque, & certe non vulgares medici, prauorum humorum concoctionem nihil aliud arbitrantur esse, quam crassorum ac tenacium incisionem attenuationemque: tenuium vero incrassationem. Atque ex his nonnulli, non solum ante purgationem crassorum & tenacium humorum, eos incidendos & attenuandos existimant, sed etiam tenues priusquam purgentur, incrassandos esse. Verum hi omnes ab Hip. & Galeni mente longe aberrant: & imprimis illi, qui tenues humores ante purgationem incrassandos censent. Nam ipsis primo aduersatur Hippocratis sententia, secunda Aphorismorum parte quae talis est.

Cor-



Corpora cum quispiam purgare voluerit oportet fluida facere. *At quonammodo corpus fluidum fit? Eo sanè quem Galenus sententiam illam exponens, his verbis nos docuit.* Ego verò Hip. puto non minimum id, sed aliquod maius hoc in loco nos docere voluisse: quod nos longa experientia didicimus ita se habere. Siquis enim extenuet & incidat crassos atque tenaces humores qui in corpore sunt, & meatus aperiat, per quos isti transmittuntur, atque attrahuntur à medicamentis quæ vim purgatoriam habent, tunc purgatio in omnibus rectè procedit. *Fluidum itaque corpus redditur, incisus & attenuatus crassus ac tenacibus humoribus, & meatibus resecatis, per quos humores educi debent.* Quod paulo inferius idem Galenus, longè clarius his etiam verbis demonstravit. Siue (enim ait) per vomitum, siue per alui subductionem purgare velis postquam corpus fluidum effeceris, ita demum optimè purgabis. Erit autem fluidū vt diximus, omnibus meatibus resecatis, & humoribus incisus & extenuatus, si quis fuerit humor in corpore crassus & etiā glutinosus. *Cum igitur hæc*



### T E R T I A

*sic se habeant, ut ostensum est: quæ ratione moti præstantissimi alioquin medici, tenues humores, ante eorum purgationem incrassandos putent, planè nescio. An ignorant ab incrassantibus medicamentis, & meatus magis claudi, & humores minus obsequentes purgatorijs medicamentis reddi? Quanto enim humores tenuiores, tantò melius attractioni eorum medicamentorum cedere solent. Et propterea Galen. cui etiam Aetius ex Antyli sententia consentire videtur, in libro cuius inscriptio est: Quos quibusve medicamentis, & quando purgare conueniat: de crassorum ac tenuium humorum purgatione hæc præcipit. Inter morborum (inquit) initia serofos & tenues humores euacuabis: vbi crassi & tenaces fuerint quales suapte natura pituita est & atrabilis concoctionem expectabis. Hip itaq; & Gal. apertissimè repugnant, qui tenues humores ante eorum purgationem incrassandos existimant. Ob id alij, qui rem ipsam maturius considerauerunt: & si cum eis cõueniunt, quod prauorum humorum cõcoctio sit tenacium ac crassorum incisio & attenuatio: tenuium verò incrassatio, ab illis tamen in hoc dissentiunt, quod videlicet hi, ante tenuium humorem purgationem*



nem, eos haudquaquam incrassandos censent, sed id solummodo tentandum existimant, quando natura praesto esse uolumus, ut per latos meatus, & potissimum per tracheam arteriam tennes humores expellere possit. Quod quidem in tenui catarrho maxime usu venit, ut ex Galeno 3. in sextum de vulgaribus morbis commentario satis constat. Tunc enim tenuium humorum incrassatio procurari debet. Tentanda etiam nimirum est, quando una cum febre adsunt animi reliquia ob humorum magnam tenuitatem, quemadmodum ipse quoque Gal. 12. methodi medendi fecisse videtur. Sed hi etiam, una cum prioribus ab ipsa veritate longe aberrant. Atque imprimis in eo peccant, quod nullam statuunt differentiam inter humorum concoctionem, & eorum preparationem, ut bene concoqui possint. Nam & si crassi ac tenaces humores attenuationis incisionisque egent ut melius concoquantur, tennes vero incrassationis, haec tamen longe differunt a concoctionis (ut ita dicam) essentia, & quiditate: ut idem Gal. in lib. de constitutione artis medica his verbis nobis significavit. Quod in naturalem statum redire potest contrariis alterare oportet, crassum & viscosum attenuando, tenue incrassando, & com-



### T E R T I A

muniter vtraque concoquendo. Id ipsa  
 quoque rei natura ostendit. Nam cum & bonorum  
 & prauorum humorum concoctio sit naturæ o-  
 pus, (ut infra luce clarius demonstrabimus) at-  
 tenuatio autem, & incrassatio humorum ab ex-  
 trinsecis quoque causis fieri possit: quis itaque con-  
 coctionem humorum bonorum & prauorum hu-  
 morum concoctio enim naturæ opus ab eorum  
 attenuatione, incisione, & incrassatione non se-  
 iunget? Nemo certè. Sed hoc tanquam leue pec-  
 catum omittamus. Illud verò prætercundum  
 non est, quod videlicet credunt tenaciū ac cras-  
 sorum humorum incisionē & attenuationem,  
 eorum esse concoctionem: cum contra potius di-  
 cendum sit, nempe concoctionē incrassando pro-  
 cedere, & quæ concoquuntur temporis processu  
 lentorem quendam acquirere. Quod summus  
 peripateticorum Aristoteles 4. meteorologi-  
 corum tam apertè demonstrauit ut id nullus  
 qui sanè sit rationis inficiari possit. Inquit e-  
 nim. Necessè autem quæ concoquuntur  
 crassiora & calidiora esse. Tale enim affi-  
 cit calidum melioris molis crassus & sic-  
 cius. At (inquiunt ij) veram esse Aristotelis  
 sententiam in bonorum succorum concoctione,  
 & in iuuatiuo (ut eorum verbis utar) non au-  
 tem



tem in nocuo, & in prauis humoribus, de quibus nunc est sermo. Sed qui talia asserunt ab Aristotelis mente prorsus aberrant. Nam paulo superius terminum concoctionis nos docens hæc ait. His autem in subiectam quandam formam finis est concoctionis: cum talè fuerit factum, & tantum humidum, aut assationem, aut elixationem passum, aut putrefactum, aut aliter quodammodo calefactum, tunc enim vtile est, & concoctum esse dicimus: sicut mustum, & quæ in tuberculis constat, cum factum fuerit pus, & lachryma cum facta fuerit lippitudo, similiter autem & alia. Accidit autem hoc pati omnibus cum vincatur materia, & humiditas. Hæc enim est quæ terminatur, ab ea quæ in natura, caliditate. Quamdiu enim insit in ipsa ratio, natura hæc est. Propter quod & sanitatis signa quæ talia, & vrinæ & secessiones & totaliter superfluitates. Et dicuntur concocta, quia insinuant caliditatem propriam, obtinere humidam. Hæc ille. Ex quibus luce clarius apparet ipsum non solum loqui de concoctione bonorum, sed etiam prauorum succorum, & superfluitatum quæ è corpore animalium feruntur. Accedit



### T E R T I A

*ad hoc eiusdem Aristotelis sententia paulo inferius, ubi loquitur de maturatione, quæ id apertissimè demonstrat. Inquit enim. Est autem tuberculorum & pituitæ & talium maturatione à naturali calido inexistens humiditatis cōcoctio. Impossibile enim est terminare non obtinens. Ex spirituosissimis igitur aquosa, ex talibus autem terrestria, & ex tenuibus semper crassiora fiunt quæ maturantur omnia. Quid clarius? De cruditatibus etiam paulo inferius pertractans de excretionibus ac prauis humoribus hunc in modum scribit. Dicitur autem cruditas & maturatione multis modis. Vnde & urinæ, & secções, & catarrhi crudi dicuntur, propter eandem causam. Eo enim quod obtenta non sunt à caliditate neque constant cruda omnia appellantur. At quæ obtinentur à caliditate melioris molis efficiuntur & crassiora (ut supra ex eodem Aristotele ostensum est) constat itaque non solum bonos, sed etiam prauos succos dū concoquuntur crassiores reddi. Huic decreto ipse quoque Gal. ubique consentit. Nam in libro de totius morbi temporibus de ijs quæ ex ulceribus feruntur hæc scribit. Primum enim sanies aquosæ incoctæ, &*

ten



tenuēs ex ijs defluunt: inde pauciores & crassiores: postea iam pus tenue: postremo minus quidem copia, sed crassius & album magis redditur. *Quæ itaq; concoquuntur etiam quod nocua sint crassiora redduntur. Quod paulo inferius in lippitudinibus quoque fieri demonstrat. Inquit enim.* Sic etiam in lippitudine, principio quidem copiosus humor, tenuis & incoctus plurimum defluit, deinde paucior crassiorq; notam quandam concoctionis accipiens: postea temporis processu copia decreſcente: consistentia verò ad crassitiem spectante, adeò concoctionis signa augentur, ut etiam palpebre dormientium conglutinentur. *De humoribus quoq; è capite delatis ibidem hac scribit.* Concoctionis notæ iam sunt crassior & minus acris & modicus humor descendens. *Sed quid multis moror, cū Gal. 2. in prognostica Hip. commentario id manifestissime in omnibus fermè humoribus, & excrementis asserat, hac scribens.* At cōcoctio non solum crassiorem reddit urinam sed etiam deiectionem quoties benè in ventre concoquatur, & screationem in pulmonia, & costali, atque etiam pituitam per destilla-



### T E R T I A

tiones & grauedines, necnon per lippitudinem, & pus in vlceribus. Hoc idem 4. de ratione victus in morbis acutis adeò manifestè asserit vt mirari quandoq; cogar quomodo isti in re certissima lapsi sint. Deiectiones (inquit) pro humoris, redundantia, liquidasque eas dixit nullo pacto cōcoctas exprimens. Cōcoctio enim omnia cogit increstatq;.

Quod verò ea quæ à calore mutantur & concoquuntur temporis processu lentorem quendam acquirant testis est idem Gal. 3. in sextū de vulgaribus morbis commentario, & primo de ratione victus in morbis acutis. Sileāt igitur qui crassorum ac tenacium humorum attenuacionem, incisionemq; arbitrantur esse eorum concoctionem: cum ab Aristotelis atq; Galeni decretis tantopere sint alieni. Propterea alij, hac opinione reiecta, prauorum humorum concoctionem fermè idem opinantur esse cū bonorum succorum ac ciborum concoctione. Nam veluti ciborum ac bonorum succorum concoctio nihil est aliud quàm qualitatis adeptio: qua apti redduntur, vt animal nutrire possint, vt Galeno placuit 3. facultatū naturalium, ita (inquiūt ij) & prauorum humorum concoctio qualitatis eiusdem est assecutio. Et quemadmodum in prioribus.



ri concoctione non omnis cibi aut bonorum succorum pars qualitatem eam recipit, sed ea solummodo quæ in animalis substantiam transmutari potest, pariformiter in prauorum humorum concoctione non tota eorum substantia apta redditur, ut nutrire possit, sed solum pars bona quæ parti prauæ admista reperitur. Pravis enim humoribus (ijs nempe qui concoctionem aliquam admittunt) semper aliquid boni inest, ut Gal. 1. Aphor. parte, & primo de vulgari-  
bus morbis testari videtur. Huius partis ratione, pravi humores concoqui dicuntur sicut etiã boni & cibaria, non autem ratione partis prauæ: quemadmodum nequæ illa ratione excrementorum, quæ ab ipsis seiunguntur, nisi improprie & latiore concoctionis significatione concocta appellantur, quia scilicet à parte bona, perfecte concocta, se iunguntur, ac indicia certissima sunt quod natura actio circa partem bonam rectè processit. Quod Aristoteles quoque 4. meteorologicorum sentire visus est, dum ait. Propter quod & sanitatis signa quæ talia, & vrinæ & secessiones, & totaliter superfluitates. Et dicuntur concocta quoniam manifestant caliditatem propriam humidum vincere. Verum tametsi concoctiones hæc in his quæ dicta



### T E R T I A

sunt conuenire hi existimant, in nōnullis tamen eas etiam differre censent. Atq; imprimis in efficiente causa, cū putēt bonorum succorum, & ciborum concoctionem à calore naturali puro, ac sincero fieri, prauorum verò humorum, à calore medio inter naturalem & præter naturam: qui tamen ut naturalis vincit, humoresq; transmutat. Vnde (ut in re signata magis versemur, aiunt isti) in inflammationibus naturalis calor sincerus nō seruatur, sed à natura propria quodammodo degenerat, atq; in ignem cōuertitur. Is itaq; cum mistus sit ex calore naturali, & præter naturam, & utriusque particeps, propterea mistam quoq; actionem efficere necessum est. Si itaq; ut naturalis vincat, tunc concoctio recte procedet: & humores in parte inflammata existentes transmutabuntur in pus album, aequale, & minimum male olens. Si vero ut præter naturam is dominetur, tūc humores illi corrumpentur: ac quonto magis praualebit tanto crudiores reddentur: & tūc pus album nō generabitur, sed cruentum potius, inaequale, & fætidum. Hoc decretum (ut opinor) ex Auenzoaris nō spernendi sanè authoris sententia, hi sumpserunt primo thesirs. Differunt etiam hæ concoctiones (inquiunt) in alio. Nam in prioribus



*bus totum id quod alteratur, aut saltem ipsius maior pars in substantiam alti transmutatur, & modicum superest excrementum: in nouissima verò contra, modicum est quod alit & multum excrementum. Cui rei ipse quoque Gal. assentire videtur 2. in primum de vulgaribus morbis commentario, hæc de humorum concoctione scribens. Morbi enim concoctio maturatio quædam est eorum quæ præter naturam. Ipsa autem maturatio deductio quædam est eius quæ concoquitur in concoquentis substantiam. Ergo ubi corpus benè habet, cumque ei quæ coquitur naturæ intercedit familiaritas cum concoquente mutatio fit, & alteratio totius concoquendæ materiæ, aut maximæ partis eius: minimūque superat semiconcocti. At verò quando præter naturam affecta sunt (quæ accidit quando fuerint à natura transmutantis & alterantis aliena) id quæ assimilatur paucum est, semiconcoctum verò excrementum multum. Et quæ deinceps. Ex quibus videtur Gal. horum decretum fermè statuere. Sed hi etiam, ab Hip. & Gal. mente longè sunt alieni. Atque imprimis id quæ de misto illo calore ex naturali & præternaturam asserunt, Gal. manifestissimè repugnat.*



### T E R T I A

*qui morborum concoctiones calori naturali, ip-  
 siq; natura semper attribuit: quæ aut idem est  
 cum eo calore (iuxta Hippocratem) aut saltem  
 vis quadam quæ ipso tanquam proprio instru-  
 mento, pro functionibus suis obeundis utitur.  
 Rem verò ita se habere ut dictum est apertissi-  
 mè Gal. demonstrat: qui secundo in librum Hip-  
 pocratis de fracturis commentario hunc in mo-  
 dum scribit. Sed hæc quidem exuccatis &  
 sugillatis grauiissima contingere non pos-  
 sunt, si à natura superatus sanguis mute-  
 tur: sicut fit in inflammationibus, quæ ad  
 maturitatem perueniunt: siq; in pus con-  
 uertatur. Ut autem natura quæ in parti-  
 bus sita est sanguini dominetur, duobus  
 his studendum est: alteri ne inflammatio-  
 ne laborent partes (quod quomodo fiat  
 superius dicimus) alteri ut interfusus san-  
 guis discutiatur atq; elidatur. Quod pau-  
 lo inferius, his etiam verbis confirmare  
 videtur. Si autem (inquit) neq; ruborem,  
 neque nigritudinem habeant, suppurare  
 manifestum est. Rubor enim inflamma-  
 tionē indicat, nigritudo à natura neque  
 suppurari neq; concoqui, sed sanguinem  
 in coagulationem abiisse. Quod si etiam  
 extra*



extra corpus effusus fuerit, immorāti contingit. Sed extra tamen nūquam amplius suppurat, in corpore si valida sit natura in pus conuertitur. *Ex his Gal. sentētis, quantum hi aberrant qui medium calorem inter naturalem & prater naturam concoctionis prauorum humorum efficientem causam statuunt satis patere arbitror cum is nec natura sit, nec ipsius instrumentum, à qua tamen concoctiones prauorum humorum fieri dicebat Gal. in prepositis sententis. Verum horum defectum longè clarius idem Galenus ostendit secundo in primum de vulgaribus morbis commentario, in secunda tempestatis enarratione hac inquiens. At crude erant & longo tēpore durabant: tum propter humiditatem, tum frigus: siquidem maturationem fluxiones cum ab infito calore superantur, consequuntur. Et paulo inferius dum ait. Iam verò naturalis animantium calor si sit validior humores earum celerius cōcoquit: sin imbecillior vix longiore interuallo superior euadit, & vincere humores valet. Accedūt ad hæc eiusdem Galeni verba primo in 3. de vulgaribus morbis commentario quæ id manifestissimè cōprobant. Sunt autem ca*



### T E R T I A

huiusmodi. Nam cum generatur (inquit) pus dolores fiunt & febres quod natiuus calor humores tumoris authores immutet. *Alia sexcenta (ut ita dicā) adducere possem Galeni loca quibus id probaretur, tum ex libris methodi medendi, tum ex aphorismis, alijsq; eius libris. Sed quoniam ea quæ dicta sunt satis propositum commostrant, propterea breuitatis causa ea omitto. Verum cum calor innatus in spiritibus, sanguine, & membris solidis (Hip. authore) consistat, à quonam horum prauis humores concoquantur, nos Gal. docuit secundo in primum de vulgaribus morbis commentario, hæc inquiens. Etenim protensa est per solida corpora natura. quæ est illorum virtus: cōcoctionemq; à solidis corporibus sanis, humores consecuntur. A solidorum igitur membrorum insito calido prauis humores cōcoquantur. Oportet tamen præter hoc ut spiritus etiam ad unguem caliditate symetri seruentur, ut Galenus quinto de simplicium medicamentorum facultatibus apertissime voluit. Sed quis non immerito quaret, cum in febribus putridis maxime, calor innatus in igneum cōuertatur (ut sepiissime dixit Gal.) quomodo itaq; in his morbis dicere poterimus ab innato calore*  
*puro*



puro & sincero prauos humores concoqui? Huic  
questioni respondendum est, quod & si in his fe-  
bribus calor naturalis humorum transmuta-  
tus est in igneum, cum iam calefacti sunt & ac-  
censi: membrorum tamen solidorum calor illa-  
sus seruetur: quando scilicet membra solida nō  
fuerint calefacta & accēsa, sed solum incalescāt.  
Nam aliud est membra incalescere & incauisse,  
ut tertio de praesagatione expulsibus notat Gal.  
sicut atiam est aliud ligna calefieri ab igne & ab  
eo accendi ut idem, octauo methodi, medendi  
nobis significauit. Quamuis itaq; in febribus pu-  
tridis synceris membra solida incalescere dici-  
mus ab ignea humorum caliditate: non tamen  
propterea eorum calor in igneum conuertitur.  
Sic autem ea posse humores concoquere quid pro-  
hibet? cum adhuc proprium calorem seruent.  
Quod si hac etiam accendantur, eorumq; calor  
in igneum conuertatur, tunc non amplius cōco-  
quere possunt: nisi prius in propriam symetriad  
reuertantur. Non enim tunc febris putris synce-  
ra est sed hectica coniuncta. Quod Gal. secundo  
in primum de uulgaribus morbis commentario  
post adductam sententiam his verbis significa-  
uit. Nam (inquit) si hæc ipsa, membra scili-  
cet solida, egrotant, in abitu iam hic est  
morbus:



### T E R T I A

*morbis: ac nonnullos in extremum adducit di-*  
*crimen. Curari autem prius nequit quàm*  
*suam virtutem solida ipsa recuperauerint*  
*corpora: quæ in symetria posita est calidi,*  
*frigidi, humidi & sicci. Ex quibus mehercle*  
*verdis illud etiam adnotare debemus: quod gra-*  
*uiter peccant qui putridam febrem priusquam*  
*hecticam (quando duæ hæ febres cõiunctæ sunt)*  
*curare tentant: cum putrescentes humores con-*  
*coqui nequeant antequàm à solidis membris pra-*  
*ua illa caliditas remoueatur. Sed id obiter di-*  
*ctum sit & in transcurso. Ad rem itaq; redeun-*  
*tes dicamus præpositæ sectæ fautores in efficien-*  
*te concoctionis causa à Galeni mente penitus a-*  
*lienos. Hallucinantur etiam non minus in hoc*  
*quod credant ciborum concoctionem à prauo-*  
*rum humorum concoctione differre, quoniam*  
*in ea multum sit quod transmutatur in anima-*  
*lis substantiam, modicum verò excrementum:*  
*in hac verò contra, modicum quod alat & mult-*  
*um excrementum. Nam & si in multis cibus id*  
*verum est, quod scilicet modicum habet excre-*  
*mentum & multum quod nutrit: in plerisque*  
*tamen res longè secus se habet. Radicula enim*  
*ut primo de facultatibus naturalibus ait Gale.*  
*multum habet excrementum, & modicum quod*  
*alat*



alat. Similiter & olera omnia & fructus ut o-  
ctauo methodi medendi, & in libris de alimen-  
torum facultatibus, idem Galenus testatur; &  
non de his solum: sed & multis etiam alijs cibo-  
rum generibus. In hoc itaq; hi etiam falsi sunt.  
Decipiuntur quoq; valde in ipsa prauorum hu-  
morum concoctionis essentia, & quiditate ex-  
plicanda. Quod ut facilius ostendamus paucis  
aperiendum quam ratione boni humores cru-  
di & cōcocti dicantur. Pituita itaq; ut ab ea ex-  
ordiamur, priusquā à Iecore transmutetur, &  
in sanguinē conuertatur cruda, aut nō cocta (ni-  
hil enim nūc differt quouis nomine eā appelles)  
iure optimo dici potest. Postquam verò sangui-  
nis perfectam formā adeptā fuerit concocta me-  
rito vocabitur. At biles non hoc modo se habēt,  
cū in sanguinem transmutari nequeant. Verū  
cū sequatur quodammodo sanguinis genera-  
tionem, potius supercocta quā cocta morene  
appellari, ut Gal. quarto de tuenda valetudine  
nobis significare videtur. Quatuor igitur hæc  
consideremus pituitam, sanguinem, flauam &  
atram bilem. Ex his, pituita & cruda & cocta  
appellari potest: cruda antequam in sanguinem  
conuersa sit, cocta cū perfectam sanguinis for-  
mam obtinuerit. At non amplius pituita



### T E R T I A

tunc vocatur sed sanguis. Hic vero nunquam crudus sed semper hoc modo concoctus dici debet: reliqua vero duo nec cruda nec cocta sed supercocta appellamus. Verum supponamus hæc putrescere, & febrem accendere, nonne & sanguis, & biles sicut pituita putrescens cruda dicitur? Vtiq; cum in morborum initijs, humores qui illorum sunt cause semper crudi sint, ut primo de crisibus in lib. de totius morbi temporibus, & alibi sæpius dixit Gal. At putrescens pituita nunquid eadem ratione cruda dicitur, qua naturalis priusquam conuersa sit in sanguinem cruda dicebatur? Certum est quod non. Alius itaq; modus est cruditatis in quo cum cæteris putrescentibus humoribus conuenit. Verum quidnam hoc est? Quid? Nihil aliud profecto q̃ a causis præter naturam obtineri. Quod putresceti sanguinis pituita & vtriq; bili inest. Huic cruditatis significationi (quæ ut dictum est longè differt ab ea, qua pituitam naturalem crudam vocamus) concoctionem correspondere necessarium est, quæ longe sit etiam diuersa ab ea, qua sanguis concoctus dicitur, quando naturaliter dispositus est. Quam quidem rem non intelligentes grauissimi viri, multis ac maximis difficultatibus seipsos implicauerunt: atq; ab ipsius Gal.  
mente



mente prorsus aberrarūt. Quā ut adhuc clari-  
us explicemus, quid cōcoctionis & cruditatis  
nomē apud Hip. & Gal. significet: quotūe modis  
res cruda aut cōcocta ab ipsis dici solēt aperi-  
endum est. Primū itaq; cōcoctionis nomen ab Hip.  
6. de vulg. morbis usurpatum est, pro quacunq;  
ad mediocre temperamentum, ac animāti con-  
ueniens adductione: siue ob mutationē aetatis, si-  
ue ex aliqua uel extrinseca causa ea prouenerit,  
idq; dū ait. Morbi simul nutriti in senectute  
reliquant & per concoctionem, & solu-  
tionem, & rarefactionem. Quod Gal. ex-  
ponens, hæc, inquit. Igitur cum hic frigi-  
dorum meminerit: constat & ipsum con-  
cedere quædam ex calidis in seniori ætate  
posse dissolui, siquidem contrariorum cō-  
traria medicamenta sunt. Rari autem hi  
sunt, ut calidæ cephalæ, & æterocraniæ  
vocaui dolores capitis, & renum calidi  
affectus, & articulares dolores, quicunque  
ex valdè calida causa oriuntur. Iste solutio-  
nis modus inter cōcoctiones reponitur:  
concoctione uidelicet omnem ad medio-  
cre tēperamentū adductionem significā-  
te. Eodem concoctionis significato usus quoq;  
(ut opinor) Gal. est, & in aphorismorum com-



### T E R T I A

mentarijs, & in libris de crisibus dum dixit: morbos ijs diuturniores qui intra 40. diem iudicantur non admodum solere per sudores terminari, neq; omnino per excretiones sed per cōcoctionē, vel per abscessus. Et rursus dum quādoq; ait, à calore præter naturam morbos frigidos cōcoquit. Quod in lib. quoq; de compositione medicamentorum secundum locos, & secundum genera idem Gal. seruare videtur inquiens, castoreum, myrrham & huiusmodi medicamenta cōcoquere: quæ tamen longè calidiora sunt, q̃ ea quæ propriè concoctoria medicamenta appellantur: ut ex eiusdem Gal. dictis quinto de simplicium medicamentorum facultatibus satis constat. Hic concoctionis modus à sermone nostro prorsus abigendus est: cum latius pateat quam is quem querimus, prauisq; humoribus nō solum in diuturnorum morborum, sed in acutorum etiā solutione, debetur. Aliud concoctionis significatū id est, de quo Gal. tertio facultatum naturalium pertractat, quod propriè alimentis cōuenit. Est autē qualitatis adeptio qua id quod cōcoquitur aptum redditur ut animans nutrire possint. Hoc concoctionis modo, pars ea ciborum solummodo, & succorum quæ perfectè animali assimilari potest concocta merito dicitur quando qualitas



litatem illā suscepit. Atq; is (ut iam diximus) propriissimus est concoctionis modus: cui cruditas quādā opponitur: nēpe qualitatis illius defectus cū aptitudine ad eam suscipiendā. Postrema concoctionis significatio est, natura uictoria contra causas præter naturam, rei in q̄ ipsa agit, inexistentes: earumq; debellatio. Quæ transmutationem ipsius rei sequitur: dū in substantiā animalis transmutatur, quantum tamen eius natura concedit, Quæ concoctionis (ni fallor) significatione utitur Gal. 3. de ratione victus in morbis acutis dicens aquam quantūuis optimam tarde concoqui. Ea anim non quia tarde nutriat ob id tarde concoq dici potest, cū nullo modo alat ut Gal. 4. Aph. parte. 3. de ratione victus in morbis acutis. 4. de usu partiū corporis humani, & alibi testatur. Cui Auicenna etiam consentit 2. fen. 1. canonis. Quæ itaq; ratione Gal. aquam quantumuis optimam tarde concoq dixit? Non alia certe, q̄ eo quoniam in ventriculo tarde vincitur, & transmutatur. Aqua igitur acceterarū potionum ciborumq; partes aq̄æ postrema concoctionis significatione concoctæ merito dicentur quando a ventriculo & Iecore fuerint trāsmutatæ, ac animali quantum eorum natura admittit assimilatæ, q̄quam nutrire nequeāt: sed postq̄



### T E R T I A

transmutate sunt, & renes ad uesticam ferantur,  
indeq; mictu excernantur, ut clarissima est Gal.  
sententia 4. de usu partium corporis humani,  
& 2. de facultatibus naturalibus. Quo fit ut ij,  
maximè reprehendendi sint, q; urinam in Ieco-  
re generari autumant: cū tamen nihil aliud ea  
sit, q; aqua q; bibimus, aut aliarum potionum &  
ciboru aq; partes. Sed de hoc latius, si quādo da-  
bitur occasio, differemus: nunc enim ad ppositū  
redeundū est. Nouissima itaq; concoctionis signi-  
ficatio non solū urinis, sed omnibus etiā alijs ex-  
cremētis, puri, ceterisq; prauis humoribus quā-  
do à natura uicti sunt cōuenit. Id tā apertè Gal.  
2. de ratione vic. in morb. acut. ostēdit, ut nemo  
nisi admodū pteruus illud unq; negare possit. ait  
Nempe biliosa cruda appellauit, quoniā &  
excrementorum concoctionem appellat  
q; quā mutata nutrire non possunt, ut bilis  
vtraq; & qui ιχμῆς dicuntur. Verū tamen  
quoniam & talia euincit natura, cōcocta  
quidem vocare consuevit Hip. excremen-  
ta huiusmodi, quæ à natura ipsa euicta sūt  
cruda verò quæ non sunt euicta. Ob id &  
pus in inflammationibus q; concoquuntur  
fieri ait, q; pars nulla ex pure alimoniam  
accipiat, veluti accipit ex crudis vocatis  
humo-



humoribus, & pituita. Quæ reliquū perfe-  
ctionis adepta, & prorsus cocta nutrire  
possunt. Si igitur biliosorū humorū con-  
coctio existit, ut sanguinis q̄ in inflāmatio-  
ne est, in pus migrātis: intelligentibus no-  
bis cōcoctionis nomen in suo vniuersalio-  
re significato. Est autem vniuersalius, cū  
natura causis fortior fuerit, pmutaueritq̄;  
eas suo robore. quę igitur veluti in anima  
carente corpore putrescūt, nihil ad pmuta-  
tionem cōferente calore innato à cōco-  
ctionis ratione degenerāt. Hoc sanè cōtin-  
git aquosis his humiditatibus q̄ p̄ vrinam  
excernūtur: atq; ob id crudas vrinas cōcoq̄  
dicimus, q̄q̄ corpus ex concoctis vrinis ali-  
non possit. Generali præterea hoc conco-  
ctionis significato vtimur, cū vel catarrhū  
vel coryzā, vel fluentes ex his humidita-  
tes, vel easq; ex oculis maneāt, aut crudas  
aut cōcoctas esse dicimus. Ad hūc modū  
& bilem vel crudā, vel incoctā, vel coctam  
esse pronūciamus. Cruda q̄dem flaua ad-  
modū est & acris, & malè olens: cocta aut  
& pallidior, & minimum malè olens. *Hæc*  
*Gal. sententia si eam diligēti examine ppendere*  
*voluerimus, luce ipsa clarius demonstrabit, non*



### T E R T I A

propterea prauos humores concoctos appellari,  
 quia eorum aliqua pars nutrire valeat, nec quoniam à  
 parte bene concocta seiuncti sint, ipsamque indicet  
 perfecte fuisse transmutatam, ut isti arbitratur: sed  
 ob id quod natura causas propter naturam ipsis inexi-  
 stentes (eos transmutando) euicit suoque robore de-  
 bellauit. Quod 3. quoque de crisibus idem etiam Gal.  
 his verbis clarissime nos docuit. ubi enim (ait)  
 natura superior euasit, & debellauit. & resti-  
 tit vehementiori morbi conatui, & quod inte-  
 stabat oppressit (hoc enim est ipsa conco-  
 ctio) fieri non potest, ut deinceps succubatur.  
 Verum illud animaduersione dignum est quod natura  
 prauos humores non ita ad unguem transmutat  
 ut animal nutrire valeat. Nam ob malam quali-  
 tatem, quae causa propter naturam ipsis iam impresse-  
 runt absolutam illam transmutationem, & assimi-  
 lationem non admittunt, quod verè alimenta admit-  
 tere uidentur. Cum itaque duae haec concoctiones ita se  
 habeant, ut ostensum est: cumque in prauis humo-  
 ribus quod concoctionem admittunt, semper aliquid boni  
 admixtum sit propterea ratione pars bona quando  
 eam qualitatem susceperit qua nutrire animal pos-  
 sit, vere concocti dicentur & propria: nepe priori  
 concoctionis significatione. At ratione partis pra-  
 uae nunquam hoc modo concocti dici poterunt, sed po-  
 stremo



stremo concoctionis significato: hoc est, victi, ac debellati à natura, & quantū fieri potest animali assimilari. Huic cōcoctioni, cruditas etiā qdā improprie dicta opponitur: q̄ prauis quoq; humoribus ratione partis prauæ attribui potest: quādo causæ p̄ter naturā eos inuadūt. Quæ si tātopere p̄cesserint, ut natura actioni p̄ualeant, continue humores crudiores dicētur: hoc est, natura magis rebelles & cōtumaces. Verū (clarioris doctrinae gratia) in re signata uersemur: atq; sanguinē ipsum extra ppria vasa delatū in mēbro aliquo contineri supponamus. Is cū non sit in loco sibi conueniente, tandem necessarium est ut putrescat. Cū igitur putredo eum euaserit tunc crudus dicetur quia quodammodo natura rebellis & cōtumax. Talis autem redditur à calore præter naturam, q̄ ipsum naturæ aduersissimum facere intendit. At contra, mēbrorum solidorum innatus calor illum in membri substantiam transmutare & naturæ familiarissimum facere nititur. Hinc oritur inter hos duos calores pugna, altero nempe eo qui præter naturam tētare sanguinem naturæ maximè rebellem, & contumacem facere: reliquo verò ipsum ei familiarem, & membris similem reddere. At qui si putridus calor naturali præualeat, ipsiq; domi-



### T E R T I A

netur, tunc sanguis cōtinue crudior fiet: hoc est, natura magis aduersus, & contumax: & pus ex eo generabitur minimè album, inæquale & fœtidum: quale in vlceribus fieri sapissime videmus. Quod si adhuc vltcrius procedat calor ille putrefaciendo, tandē crudissimus, & malignissimus sanguis reddetur: nec amplius concoctionem admittet. Quin potius membri substantiā in quo continebitur putredo prahendet, idq; in perniciem ducet. Quod in Gangrenis, alijsq; cōsimilibus morbis euenire certissimum est. Verū si innatus calor solidorum mēbrorum validior putrescēte sit, sanguinem quem putredo inuasērat, transmutabit & membro in quo is cōtinebitur tantū assimilabit quantum putrescentis substantie natura concedet. Et tunc substantiā quādam obtinebit, quæ ad membrorum solidorum substantiam propè accedet: & pus optimū, ac postrema concoctionis significatione, benè cōcoctum appellabitur. Id autē album erit, æquale, & minimum malè olens. Hoc Gal. 1. in Hip. prognostica commentario s. de simplicium medicamentorum facultatibus tam apertè nos docuit, vt de hoc dubitare, nemo qui sanè sit mentis, debeat. Illud idem qd de putrescēte sanguine dictum est, de alijs quoq; prauis humoribus vt

tales



tales sunt, dici debet, ut preposita sententia Gal.  
ex 2. de ratione uictus in morbis acutis adducta  
clarissimè ostendit. Nam si à natura vincantur  
& transmutentur, debellanturq; causa præter  
naturam in eis existentes, tunc postrema conco-  
ctionis significatione concocti dici meritò pote-  
runt, quāuis non sint apti nutrire. Nam quæ co-  
modo concoquuntur non ex necessitate nutriūt.  
At quamobrem concocti dicentur? Non meher-  
cle quia à parte bona seiuncti sint, ut quidam a-  
iunt, nec quia eam indicent benè concoctam ut  
alij (nisi id à posteriori & per viā signi dicatur.  
In qua re grauiissimi etiā viri hallucinati sunt)  
sed quoniam à natura, eorum prauitas debella-  
ta est: & ipsi quantum eorum substantia admit-  
tit, facti sunt naturæ familiares & membris si-  
miles. Similiter de urinis, ceterisq; excrementis  
dicendum est. Ex horum autem transmutatio-  
ne, ac concoctione, nobis postmodum indicatur  
caliditatem innatam obtinuisse humidum. Et  
hoc modo intelligenda est Aristotelis sententia  
4. meteorologicorum, quæ in fauorem aliorum  
supra adducta est: quemadmodum aphrodisien-  
sis Alexāder eam exposuit. Inquit enim. Quo-  
niam verò ex hoc quod humidum à pro-  
prio calido superatur cōcoctio statuitur,



### T E R T I A

idcirco dicit sanitatis signa esse talia: ea vi  
delicet quæ cōcocta dicuntur, & vrinæ, &  
alia sedimenta, & omnino superfluitates.  
Horum namq; cōcoctio, inditio est quod  
propria animalis caliditas super humidū  
obtineat. *Et quæ deinceps. Accedit ad hoc, qd  
ipsemet Aristoteles paulo inferius de crudi-  
tate loquens hac de huiusmodi rebus scribit.*  
Vnde & vrinæ, & secceffiones & catarrhi  
crudi dicuntur ppter eandem causam. Eo  
enim quod non sunt obtenta à caliditate  
neq; constant cruda omnia appellantur.  
*Ratio itaq; formalis cur hac cruda vocetur: hac  
est, non obtineri à calido, neq; constare: cōcoctio-  
nis itaq; per contrariū, ratio formalis erit, à ca-  
lido obtineri & constare: non autem indicare  
partem bonam rectè fuisse cōcoctam ut illi falso  
existimarunt. Pravi itaq; humores (ut ad rem  
reuertamur) ut tales sunt (hoc est, ratione par-  
tis prauæ) concocti tunc dicuntur: quando causæ  
præter naturam in eis existētes victæ & debel-  
ate sunt, hiq; quantum eorum natura patitur  
animali assimilati. At si res contra se habeat, &  
causæ innato calori præualeant, tunc humores  
naturæ contumaces & rebelles reddentur. Hanc  
humorum dispositionem, si quis eorum prauita-*  
*tem*



tem appellet recta, ac propria voce utetur: sin autem cruditatem vocere malit, latiore quidē utetur cruditatis significatione, nō tamen à veritate aberrabit, ut primo de symptomatū causis testatur Gal. Verū quoniam & sanguinis putrescenti, & alijs humoribus prauis, quæ concoctionem admittere possunt, semper aliquid boni mistum est, q̃ perfectē trāsmutari potest in substantiam membrorum, propterea natura, unica actione (sicut in cibis quoq; facit) utraq; partem transmutare pergit: eam nēpe, quæ nutrire potest, q̃ causa præter naturam non attigerunt, & illam q̃ eadem iam inuaserunt, quæ nullo modo nutrire nequit. Vtramq; igitur partem unā transmutat, & animali assimilât, sed priorem ita assimilât, q̃ membra alit: reliquā uerò quantum fieri potest eiusq; natura concedit membris assimilât, sed nunquam perfectē sicut priorem faciebat. Ob id si duo hæc inter se comparentur, quia prior pars perfectē transmutatur, p̃pterea absolute concocta dicitur: nouissima uerò, quia perfectam illam transmutationem nō adipiscitur idcirco partis bonæ cōparatione, semicoctū excrementum vocari poterit, ut Gal. 2. in 1. de vulgaribus morbis commentario censuisse videtur. Hanc naturæ actionem, si totam conside-



### T E R T I A

remus, cum in partis bonae transmutatione terminetur, propterea, ab ea potius tamquam à perfectiora concoctio appellari debet: atque partis illius ratione proprie concoctio uocabitur. Quod 2. in 1. de vulgaribus morbis Gal. considerauit, dum eam sententiam quae supra pro secunda secta adducta est protulit. At si prauam partem per se consideremus non conferentes eam bonae, tunc & ipsa (qua eius comparatione semiconcoctum excrementum appellabatur) concocta dicetur, postrema concoctionis significatione: hoc est, à natura victa & superata, ut supra ex Gal. 2. de ratione victus in morbis acutis ostensum est. Sed quis iure optimo quareat: quamobrem prauis humoribus quibus nihil boni admistum est, à natura concoqui nequeunt? Huic questioni authores secunda secta facillime se satisfacere credunt, dicentes: quod id euenit, quoniam concoctio non est prauorum humorum, sed bonorum solummodo, & qui nutrire possunt. Cum itaque in illis humoribus nihil sit quod nutrire valeat, quomodo unquam concoquentur? Sed grauissime falluntur. Nam & si id quod dicunt, de secunda concoctione quae propria concoctio appellatur verum est, de postrema tamen, id est, falsissimum: cum & aqua quae haud nutrire potest, & similia concocta eo modo



modo dicatur. At quanam igitur est causa quod pravi eius naturæ humores cōcoqui nequeunt? Quæ? Non mehercle partis bonæ carentia: sed causarum præter naturam vis, cui prævalere non potest calor innatus. Quo fit ut ij semp crudi, & maligni permaneant: nec ullo pacto trāsmutari ac vinci possint. Quod etiam quandoq; pravis humoribus accidit, quibus aliquid boni est admistum. His enim aliquando causæ præter naturam tam validè, existunt, q̃ calor innatus eis resistere non potest, sed ab illis superatur. Et tunc humores in extremam cruditatem, & pravitatem perveniunt: & tandem membrum in quo continentur & ipsum animal quandoq; in perniciem ducunt. Hæc sunt quæ mihi de pravorum humorum concoctione & cruditate dicenda videtur. Ex quibus, liquido cōstare arbitror, quodnam sit medici munus in procuranda pravorum humorum cōcoctione. Nam cū eorum concoctio (ut dictum est) nihil aliud sit, quam causarum præter naturam in eis existentium debellatio, ac naturæ contra eas victoria, idcirco medici officium est, cū pravorum humorum concoctioni studet, primum causis præter naturam contra ire, easq; imbecilles reddere: deinde calorem innatum quantum fieri potest manu-



### TERTIA

*venere ac servare. Verum quonam modo hac ab-*  
*solvere poterit? Quo? Illud quidem, debitis eua-*  
*cuationibus, & in tempore adhibitis, alteratio-*  
*nibus, & alijs deniq; remedijs, quibus causæ præ-*  
*ter naturam oppugnari solent, optimè perficiet.*  
*At reliquū duplici ratione assequetur ut Gal.*  
*2. in 6. de vulgaribus morbis nobis significavit.*  
*Nam cū calor innatus moderata quadam dif-*  
*flatione & vētilatione (ut ita dicam) servetur*  
*ob id medicus q̄ naturæ præsto esse vult, ut cau-*  
*sas pravis humoribus inexistentes superet, im-*  
*moderatam caloris difflationem & dissolutio-*  
*nem si ea adsit, prohibere conetur. Quod in ma-*  
*gnis inflātionibus sæpius usū venit. Eas*  
*enim, si emplasticis medicamentis innata cali-*  
*ditatis dissolutionē prohibeamus. Natura me-*  
*lius atq; facilius concoquet, quàm si calorem in-*  
*natum dissolui permittamus. At si prohibitus*  
*sit calor innatus diffolari (ut in putridis feбри-*  
*bus propter obstructions plupimum euenit)*  
*tunc totis viribus enitendum, ut in pristinum*  
*statum is reuertatur, ita ut moderate diffletur.*  
*Verum hac de re latius differre præter rem es-*  
*set. His itaq; omiſſis tempus iam est ut ad qua-*  
*ſtionem nobis primo intentam pedem confera-*  
*mus.*

In



**I**N prima huius operis parte atq; secunda medicorum ferme omnium qui nostris temporibus arti operam aliquam concedunt circa propositam questionem controuersias, quantumq; omnes in eius dissolutione aberrēt abundē ostensum est: in tertia verò quidnam sit prauorū humorum concoctio contra multorū decreta exarauimus. Nunc autem quæ fuerit vera Hippocratis ac Galeni sententia, de humorum purgatione in morborum initijs tentanda (q̃ à principio proposuimus) explicandum. Verum ut id melius facere valeamus, quædā propositio huic negotio sumopere utilia ad examen reuocanda sunt. Cum agrotantium corpora nobis sc̃se offerunt purganda illud imprimis considerare debemus: nunquid scilicet ad purgationes parata ea sint, an secus. Atq; si illa ad purgationes parata videantur, tūc ipsa purgare nobis licebit: sin minus, omnino purgationibus abstinere oportebit: nec prius corpora purgationibus tentanda erunt, quàm ad eas parata fuerint. Ut autem corpora ad purgationes parata sint, primo ca omnia ab illis abesse oportet, quorum i. Aphorismorum parte meminit Galen. hæc inquiens. Nam qui multa ctuditate laborant, quiq; tenaces aut crassos cibos sumpserunt: qui



## QVARTA

bus itidem inflata sunt, extenta hypochondria, aut vehemens calor infensus est, & vrinæ igneæ & quibus in aliquo viscerū eo in loco existentium adest inflammatio, omnes hi haudquā apti sūt ad purgationes. Quam sententiam eo in lib. cuius inscriptio est. Quos quibusue medicamentis, & quo tempore purgare oportet, clarissimè confirmavit. Oporteret præterea ut corpora ad purgationes parata sint, ea fluida esse. Quod bonorum omnium author Hip. 2. Aphor. parte ea sententia clarissimè precipiebat. Corpora cū quispiam purgare voluerit oportet fluida facere. Fluida verò redduntur corpora non solū si ea ita disponamus ut ad vomitum vel ad alui subductionem prompte se habeant, ut Gal. eam sententiā exponens declarat: sed præter id attenuatis & incisis crassis & tenacibus humoribus, si qui in corporibus reperti fuerint, & apertis meatibus per quos humores trahi debent. Ex quo liquido apparet humorum crassitiem & lentorem purgationē penitus interdicere: similiter & meatuum per quos humores extra corpus ferri debent obstructionem & clausiōem ipsam omnino prohibere: horum autem apertionem, & humorum tenuitatem purgationi consentire.

Aliud



*Aliud antequàm ad purgationes accedamus maximè à nobis considerandum est nūquid scilicet humores quos purgare uolumus crudi sint an potius concocti. Nam humorum cruditas eorum purgationi pœnitus aduersatur: concoctio uerò ipsam indicare videtur. Quod optimus ille senex 1. Aphor. parte breui hac sententia nobis demonstrauit. Concocta medicari, mouereq; nō cruda neq; in principijs. Cū enim humores crudi sunt, & natura cōtumaces, ipsi minime obsequuntur. Si itaq; eos purgare tentemus, tunc illam non habebimus sponte euacuationi adminiculantem: quinimo purgationem grauitè feret, quādo vnā cum prauis humoribus, bonorum quoq; non modica quātitas, expugnatur: ut in 2. huius operis parte contra minorantes apertè demonstrauimus. Verū concoctis humoribus, ut Gale. eam sententiam explicans ait. Naturam etiam habebimus euacuationi adminiculātem. Siquidem uidetur & ipsa post concoctiones humores discernere, & supfluitates expellere, quo tempore fiunt iudicationes. Humorū igitur concoctio purgationi haud aduersatur: at cruditas eorum purgationem pœnitus inhibet. Accedit ad hac aliud ante purgationes diligētī*



## Q V A R T A

examine perpendendum, nempe humorū quies,  
 & motus. Ab hoc enim purgationes concedun-  
 tur, ab illa autem quandoq, sed non semper. At  
 bifariam humores moueri contingit, aut enim  
 per diuersas corporis partes uagantur (neque un-  
 te natura ob concitatum eorum motum illos ad  
 determinatam sedem trāsmittere) huc uero &  
 illuc p totum corpus, aut principes saltē eius par-  
 tes moti (ut Gal. 4. Aphor. parte inquit,) egro-  
 tantem infestant, eumq, suo motu affligentes,  
 nullo modo quiescere permittunt: aut ad vnā  
 solummodo partem determinatam feruntur, q̄  
 inuadunt, in eaq, firmantur, atq, figuntur: q̄ in  
 humorū prater naturam generatione maximē  
 contingit. Horum motuum utrunq, purgatio-  
 nem indicare potest: sed longē diuersa ratione.  
 Nam prior id purgandum indicat q̄ actu mor-  
 bum efficit, quodq, ut 6. de vulgaribus morbis  
 ait Gal. ad euacuationem pperat, dirigi autem  
 ad vias excretioni accomodatas nequit, ob eius  
 concitatum motum: propterea purgantis medi-  
 camenti ope eget q̄ veluti manū porrigens mo-  
 tum illum inordinatum ad vias illas dirigat:  
 priusquam ut Gal. 4. Aph. parte scribit, corpo-  
 ris robur dissoluatur, vel febris augeatur, uel in  
 aliquod princeps membrum decumbant, q̄ per  
 corpus



corpus vagantur humores, ac seuiſſimū in ani-  
mali morbum procreant. At motus humorum  
quando hi ad determinatum membrum ferun-  
tur purgationem etiam indicare potest: nō qui-  
dem eorum humorum q̄ actum morbum efficiūt,  
& in membro cōtinentur. (Hi enim in morbo-  
rum initijs nullo modo sunt purgationibus ten-  
tandi) sed eorum qui aut fluunt, aut parati sunt  
fluere: ut eos in contrariam partem reuellentes,  
hos verò simul cum illis secundam partem eua-  
cuantes, minorem fluxionem reddamus. eaq̄ ra-  
tione morbum supra naturæ vires augeri pro-  
hibeamus. Quod Gal. 4. methodi medendi nos  
docuisse, & in alopecia, in oculorum inflamma-  
tionibus, & in plerisq̄ alijs morbis alibi obser-  
uasse, comperimus. Idem ipse quoq̄ Hip. 2. de ra-  
tione victus in morbis acutis & plerisq̄ alijs in  
locis voluit, ut infra clarius demonstrabimus.  
Cum igitur humores mouentur ad determina-  
tam partem, quandoq̄ in morborum initijs no-  
bis purgare licet: ut eorum reuellando, & con-  
traria trahendo motum aut humores paratos  
fluere & etiam fluentes aliquo modo euacuando  
fluxionem retardemus, eamq̄ minorem red-  
damus. Verum humorū quies quandoq̄ purgatio-  
ni consentit, quandoq̄ verò eam omnino prohi-



## Q V A R T A

bebit. Nam quando sunt membris impacti purgatorio medicamento tunc non obsequuntur. Ob id autem & maximam vim naturæ inferri & membra liquefcere certissimum est. Illud etiam priusquam ad purgationes accedamus contemplari debet: nūquid scilicet humores sint pauci, paruumq; morbum parere possint: an multi ac magni morbi nobis timorem incutiāt. Nam si pauci in corporibus reperiantur prauī humores atq; ex his prauum futurum morbum speremus, tunc purgationis indicatio omnino cessat. Cū enim natura p se sola, aut certè lauibus præsidijs adhibitis, morbos oppugnare ualet, ualidis utiq; remedijs corpus humanum affligere non expedit, & potissimum purgatorijs medicamentis: q̄ naturæ humanæ tantopere aduersa sunt. Quod Gal. 3. Aph. parte his verbis significauit. Neq; tamen ea quæ per purgatoria medicamenta fit superfluitatum euacuatio cōueniens est. Nam valdè indigentibus & ex longis interuallis utilis est. Cuius sententiæ ipse quoque Auicenna tertia sen primiciationis subscribere uidetur, hac inquiens. Earum euacuatio secundum plurimum uō perficitur nisi cum medicinis fiat venenosis, quæ procul dubio naturā frāgūt. Quæ  
etiam



etiam quod venenosæ nō essent nō posset  
esse quin eas bibere naturæ laboriosum  
esset: quemadmodū dicit Hip. medicina  
purgat & inueterat, & præter hoc cum hu  
more superfluo euacuat ex humiditati  
bus naturalibus & spiritu, qui est vitæ sub  
stantia, magnam partem. Et hoc quidem  
est ex eo q̃ virtutem membroū principa  
lium & eis seruentium debilitant. Cū itaq;  
ex purgationibus tot corporibus accedant inco  
moda, idcirco nisi magna urgeat necessitas, ab  
eorum usu omnino est abstinendū: et q̃ eis solum  
modo uti debemus quādo magni alicuius mor  
bi timor adest, quē natura p̃ se sola vincere non  
possit. Valeat igitur praua eorū consuetudo, qui  
in quocunq; vel prauissimo affectu ad purgatio  
nes illico conuolant. Postremo in purgationibus  
maxima aduersione dignū est nunquid agrotās  
quē purgare intendimus febre laboret an secus:  
& si ea laboret utrū placida sit, & mitis atq; in  
ter accessiones intermittat, vel potius vehemēs  
& continua. Nā si febris non adsit, aut saltem ea  
placida sit & mitis, ab illa utique purgationes  
nō impediētur, At si vehemēs febris & continua  
corpus obtineat, tūc purgationibus prorsus absti  
nere oportet. Hoc Hip. in libro de purgatorijs me



## QVARTA

dicamentis, apertissime præcepit, hac inquit.  
 Quicunq; validis febribus corripuntur,  
 his vsq; ad remissionem purgatoria medi-  
 camenta ne dato, sin id nollis, saltē ne cir-  
 ca 14. diē. *Et paulo inferius.* Quāobrem me-  
 dicamēta purgatoria in febribus magnis,  
 ne ore sumantur præcipimus. *Quod præce-  
 ptum ipse quoq; Hip. in cura calcis vehementer  
 commoti seruauit: vt ex eius sententia 2. de fra-  
 cturis scripta, satis constat: q̄ talis est.* Sed si fe-  
 bre quidem vacet, medicari cū è superiori  
 parte debemus, sicut dictū est, quicunque  
 item febre cōtinua nō laborāt. Nā si conti-  
 nua sit, medicādū nō est, sed à cibis & for-  
 bitionibus abstinendū, potioneq; vtēdū,  
 aquæ non vini, sed mellæ. *Hoc idem in pedis  
 luxatione eundē Hip. seruasse, id q̄ in fine 4. lib.  
 de articulis ab eo scriptum est, satis comprobat.*  
 Curatio enim (*inquit.*) horum hæc est: si ab-  
 sit febris veratrum est exhibendū, si adsit,  
 dandum non est. *Quam quidē rem ipse etiā  
 Gal. 2. de rat. victus in morb. acutis confirmare  
 videtur.* Vbi igitur (*inquit.*) nō solūm acu-  
 tus morbus fuerit, cuiusmodi est pleuritis  
 verū & cū febre vehementissima multò  
 magis vitanda est, purgātis medicamenti  
 admi-



administratio. Et rursus dū ait. Cū igitur febris vehemens nō fuerit: naturāq; agrotantis exptus fueris ad purgātis medicamēti potū te cōferes. Ob id etiā (ut opinor) Hip. 4. Aph. parte, in morb. valdē ac. si humo turgeāt, eodē die purgationē p̄cipit: anteq̄ sanē (ut Gal. ait) febris vehementia augeatur, q̄ purgationē impedit. Multa quoq; alia in purgationibus cōsideranda sunt, quæ quoniam proposito huic negotio parum aut nihil cōducunt, idcirco ea breuitatis causa omitemus. His itaq; optimē p̄pensis (ut ad rei difficultatem tandem accedamus) quorum aliqua purgationibus cōsentiunt, quædam verò ipsis repugnāt, cū morborum principijs occurrimus, illud à nobis cōsiderari debet: quænam eorum q̄ dicta sunt agrotātibus insint, & quæ nō. Atq; si plura & validiora ex his quæ purgationem indicant agrotanti insint, tunc nobis purgare ipsum licebit. Si verò contra plura scilicet & fortiora à purgatione nos dehortentur, ab ea prorsus abstinendum erit. Interea autem, quæ dicta sunt purgationes impedire, corporis ineptitudinē, ac preparationis (ut ita dicam) defectum, ad purgationes prohibendas maximē posse mihi uidetur. Nā si agrotantium corpora ad purgationes sint imparata, etiam q̄



## Q V A R T A

cetera omnia purgationi consentirent nūquam  
tamen purganda sunt. At ijs enim corporibus q̄  
purgare volumus, ea omnia primo abesse oportet,  
qua supra ex Gal. sententia 1. Aph. parte adducta  
sunt: deinde & fluida ea esse ut commune illud  
Hip. præceptum inuiolatū seruemus. Corpora cum  
quispiā purpare voluerit oportet fluida facere.  
Sic itaq; ut in re signata versemur, corpus  
egrotantis ad purgationes imparatum: atq;  
humores turgeāt (q̄ purgationes in morborum  
principijs maxime indicat) nunqd illud purgatione  
tentandum? pfecto cum magis possit ad purgationem  
phibendam corporis ea ineptitudo, q̄ concitatus humorū motus, ad illā  
indicandam, ppterca iure optimo dicendum est  
eo casu purgationem minimè conuenire. Quod  
Gal. 1. Aph. parte hunc in modū clarissimè ostendit.  
Qnare (inquit) nō sine ratione dixit raro circa  
principia acutorum morborū nobis venire in vsum  
purgationes: quoniam non sæpius tnrgeant humores  
in principijs: neq; si quid istorū adsit ægro satis ad  
purgationē parato, neq; dante nobis morbo  
temporis occasionem, quo possimus ex imparato  
paratū facere. Quomocunq; igitur reliqua se  
habeant si corpus ad purgationes



nes imparatum sit, non tantum dicam in morborum principijs, sed nunquam purgari debet. Verum si una cum humorum concitato motu corpus ad purgationem paratum videatur: quis humores crudi sint, nihilominus nobis id purgare licebit. Prævalet enim indicatio quæ à concitato motu capitur, et quæ à cruditate, modo corpus ad purgationes paratum sit. Quamobrem (ut opinor) optimus Hip. ab illo communi præcepto, quo 1. Aph. parte iubet concocta medicamento purgatorio tentanda, non cruda, neque in principijs, turgentes humores exceperit, inquiens, modo non turgent. Ex hoc sane demonstrans plus posse concitatum humorum motum ad purgationem indicandam quam possit eorum cruditas ad illam inhibendam. Verum quoniam in morborum solummodo acutorum initijs humores turgere solent, ut Gal. in 1. Aph. parte, & 2. in 1. Prorrhetici commentario testatur: idque raro etiam accidit, ut in præposito Apho. nos docuit Hip. dicēs, plurima vero non turgent, propterea illius motus causa raro in acutorum quoque morborum initijs veniunt in usum purgationes. Quas etiam maxima cum præmeditatione & cautione tunc faciendas esse idem Hip. paulo inferius scripsit: nempe cum ad eas paratum fuerit corpus. Ad cum rarissime nobis accibat parato



## QVART A

corpori occurrere, morbiq; celeritas tēporis oc-  
 casionem praeipiat ut ex imparato id paratum  
 facere queamus, ob id rarissime quando etiā hu-  
 mores turgēt, corpora purgare nobis concessum  
 est: in quare quanto opere minorantes deficient  
 unicuique in promptu est cognoscere. Verū cum  
 humores non turgēt, mouētur tamē ad determi-  
 natā sedē, nunquid parato etiam corpore ad pur-  
 gationē existēte, purgandum? Certe cū in prin-  
 cipijs morborum humores semper crudi sint, ut  
 saepe dictum est: cumq; humores non turgeant,  
 quod solummodo cruditati praeualct ut ex Hip-  
 dicto aphorismo satis constat, propterea iure op-  
 timo dici videtur corpora eo casu non esse purga-  
 tionibus tentanda. Quae ratione (ut arbitror).  
 moti, qui minorantibus totaliter aduersantur  
 dixerunt in morborū initijs nullo modo purgā-  
 da esse corpora nisi humores turgeant. Ego uerò  
 ex Hippo. & Galen. sententia, dico fluentes hu-  
 mores ad determinatum membrum, & non eos  
 solummodo, sed etiam paratos fluere, in morbo-  
 rum principijs à nobis quandoq; purgari debere  
 ut inhibita ac minorata (ut ita dicam) fluxio-  
 ne morbi maximum incrementum prohibea-  
 mus, nō autem ut id ali quomodo exdurgemus  
 quod actus morbum causat. Quo fit ut munus  
 hoc



hoc magis pertinere ad eam medicina partem videatur quæ prohibet morbos augeri quàm ad eam quæ iam factos curat. Verum ut res clarius explicetur fluxionum indicationes paucis ad examen reuocemus. Cum humor aliquis in membrum determinatum fertur, ita ut eius pars iam membrum obsideat: pars verò altera in id cōtinue fluat, tunc duplex nobis sese offert indicatio, unà quidem à parte iam fluxa & in membro firmata, quæ est ipsius digestio & euacuatio: altera verò à parte fluente, nempe fluxionis inhibitio, ac (ut ita dicam) minoratio. Hæc prius absolueri debemus quàm priorē aggrediamur. Quod quidem recta ratione perficiemus, si ab eius causa, magnitudine, vehementia atque alijs quā pluribus indicationes caperimus, easque optime seruauerimus. Nam si fluxionis causa sit immoderata membri patientis caliditas, vel dolor quicquid intensus, fueritque fluxio parua, tunc facillimum erit caliditate, refrigerantibus medicamentis, temperata, anodynis verò dolore lenito fluxionem sistere. Si autē fluxio ea aliunde transmittatur, repellentibus medicamentis, ac robur adstringendo, affectæ parti præstantibus, eā cohibebimus. At si fluxionis ea magnitudo sit, & vehementia, ut validiora præsidia postulet: tunc & fri-



## QVARTA

Etionibus, & ligaturis, & cucurbitulis contrarijs partibus adhibitis, & similibus, res agenda erit. Quod si adhuc maior & vehementior fluxio fuerit ad validiora quoq; praesidia trāseundum: & potissimum si egrotantis corpus plethoricum sit aut prauis humoribus refertum. Inter quae missio sanguinis ut potè validissimum ac tutissimum remedium ( ut Gal. verbis utar ) primas sibi vendicat partes: virtutis robore, aetate, & corporis habitu ei cōsentiētibus, ut Hip. quarto de ratione victus in morbis acutis, & Gal. ibidem, & in libro de curatione per sanguinis missionem nobis scriptum reliquit. At si horum aliquod sanguinis missionē impediat, quid ò optimi Gal. imitatores ( vos huc appello qui in morborum initijs nisi turgeāt humores nunquā purgandum esse contenditis ) quid inquā faciendum? An ne permittendum in angina ( exempli causa ) tantam humorum copiam ad affectum mēbrum fluere: ac tantopere faucium aut gutturis tumorem cressere ut agrotantem priusquā Natura morbum concoquat, suffocet? Vel potius optimam Gal. Consuetudinem, quam ex quarto de ratione victus in morbis acutis, & ex sexto de cōpositione medicamētorum secundum locos in secunda huius operis parte explicauimus, sequemur



quemur? nempe clysteribus & si opus fuerit purgationibus fluxionis impetum retardare tentantes? Certe si rem ipsam bene considerare voluerimus, hoc secundum ut rationi magis consentaneum, eligibilius est. Sistenda itaq; fluxionis humorum gratia (quādo sanguinis missione aut ob virium imbecillitatem, aut ob aetatem vel corporis habitum id consequi non valemus) agrotantium corpora in principiis morborum purgationibus nobis quandoq; tentare cōcessum est: cum hoc idem à Gal. quarto methodi medendi, quarto de ratione victus in morbis acutis, sexto de cōpositione medicamentorū secundum locos in angina & alibi plerisque alijs in morbis factum videamus. Quandoque etiam ob membri situm (nisi admodum magnus morbus & acutus sit, qui semper sanguinis missionem postulat, ut Hip. quarto de ratione victus in morbis acutis nos docuit) in principiis morborum purgatione magis quā sanguinis missione procuranda est fluxionis inhibitio. Quod Hip. 2. de ratione victus in morbis acutis in pleuritidis curatione, cū dolor ad inferiores costas pertingit, fecisse existimo. Non enim Hip. eo in loco purgationem precipit qua humores in membro affecto firmari moveantur, ut infra ostendemus. sed eam qua



## Q V A R T A

fluentes, ac parati fluere, vel saltem ipsorum a-  
 liqua pars, extra corpus ducatur, ut minor hu-  
 morum copia ad inflāmatam partem, fluat, atq;  
 hac ratione fluxio aliquo modo sistatur. Sed q̄s-  
 piam fortasse quæret: quamobrem Hip. hanc flu-  
 xionis inhibitionem elegit? Nonne satius fecis-  
 set si sanguinis missione à curuatura brachij re-  
 uulsionem humorum ad superiora & contraria  
 trahendo tentasset? ut Gale. placuisse videtur?  
 Huic quæstioni facillime responderi potest, eam  
 fuisse Hip. consuetudinem: nempe inflammatio-  
 num causas purgationibus quandoq; emendare,  
 quas tamen Gal. sanguinis missione corrigebat,  
 ut ipsiusmet Gal. sententia est secundo in librū  
 Hip. de fracturis commentario. Non suppu-  
 rat autem (inquit) sanguis cum inflamma-  
 tio magna superuenit aut ex prauitate de-  
 ligationis, aut ex eorum malignitate, aut  
 multitudine: quam ipse quidem exinani-  
 tione per medicamenta nos sanguinis  
 missione emendamus. Verū ceteris inflā-  
 mationibus præteritis, ad pleuritidem de qua  
 erat sermo reuertamur: & Hip. ac Gal. consue-  
 tudinem parumper cōtemplemur: ut quæ earū  
 melior fuerit iudicare possimus. Gal. itaq; ut ab  
 eo exordiar, cū cōsideraret quod febris vehemē-  
 tia



ria ac (ut ita dicam) acuties plurimum pleuritidis etiā in quibus dolor fertur ad inferiores costas, cōmitari solet: quodq; is magnus morbus est propterea Hip. præceptum, perpetuo obseruari vetuit, aphorismum adducens: In acutis scilicet morbis rarò & in principijs purgantibus medicamentis utendum est: & potissimū si vehemētissimæ febres ijs coniūctæ fuerint. Quæ tam & si vera sunt non tamen propterea Hippocrates in simulandus, qui eo in morbo, nempe in pleuritide cum dolor ad septum transversum pertingit, purgationem & non sanguinis missionem præceperit. Nam morbi illius curationem ut talis est naturæ, docens (omissa febris vehementia ac morbi magnitudine de quibus & in illo Aphorismo & quarto de ratione vitus in morbis acutis abundè pertractauit: ac quid indicet perfectè demonstrauit) eā corporis euacuationē præcepit, quæ inclinationi peccatiū in eo humorū magis cōuenire videtur. Ea autē est per inferiore vētrē purgatio. Quā si sanguinis missioni à curuatura brachij conferamus, eā morbi illius ac peccatiū humorū naturæ lōgè magis cōuenire percipiemus. Etenim quid sanguinis missio nobis præstare pōt? Profecto nihil aliud quā fluentiū humorum retractionē. At Hip.



## Q V A R T A

purgatio non solum fluentium humorum partē educens, sed etiam eorum qui parati sunt fluere portionem euacuans, fluxionem magis cohibebit ac minorem reddet, Nā humores qui ad inferiora inclinationem habēt cū graues ex sui natura sint, ob id p inferiora melius atq<sup>3</sup> facilius educuntur quā p superiora. Quāuis itaq<sup>3</sup> sanguinis missio à brachij curaturi ad reuellādum magis idonea sit purgatione p aluum. Hæc tamē illi præstat ad euacuandum corpus humoribusq<sup>3</sup> educendis, nō solum fluentibus, sed paratis etiā fluere: qui p eam sanguinis missionem commodē euacuari nequeunt, cū graues sint & ad inferiora inclinēt. Quod respiciens Hip. omīssa sanguinis missione, purgationem p̄cipit, ut potē magis aptam ad corpus expurgandum, in quo graues humores morbū augere possunt. Id verō tantum abest ut à Gal. damnetur ut potius illud (si bene quæ ibi, & in lib. de sanguinis missione aduersus Erasistratum ab eo scripta sunt considerentur) summopere laudare uideatur: in qua re grauissimos alioquin viros deceptos scio. Sed cur Hip. p venas inferiores sanguinem non mittit? Cur? Quoniam affectio supra renes est, & humores à venis illis tātōpere remoti, q̄ ea euacuatio parum aut planē nihil potuisset prodesse.

Verūm



*Verum hac de re latius disputare prater rem esset. Sat enim sit, nos ex Hip. ac Gal. decretis ostendisse, in principiis morborum nobis quandoq; licere corpora purgationibus tentare etiam q̄ humores nō turgeant: idq; cohibenda ac (ut ita dicam) minoranda fluxionis humorū gratia, quādo hoc sanguinis missione ob dictas causas facere nobis concessum non est. At quoniam rarò accidit q̄ corpora adeò imbecilla, ut sanguinis missione tollerare nequeant, à magnis ac vehementibus fluxionibus molestantur: pueri uerò ob innatam ppter humidum corporis habitum, euacuationem, validis his remedijs non multū egent: & qui pleuritide & similibus morbis laborant acuta febre ac vehemēti & magno morbo plurimū detineantur, ppterea rarò quoq; enenit, ut alio q̄ sanguinis missione, magnas & vehementes fluxiones sistere opportunum sit. Raro itaq; non solum quando humores turgent, sed etiam quando fluunt ad determinatam partem veniunt in usum purgationes. Quæ Gal. fortè respiciens 2. Aph. parte hac ait. Circa initia illorum morborum in quibus speramus ægrum conueleturum, tentandum est maiora afferre remedia, de quibus dixit Hip. si quid videtur mouendū mone, sunt au-*



## Q V A R T A

tem hæc maximè venæ sectio nonnunquã  
 & purgatio. Hæc mehercle dictio, nonnunq̃,  
 quam purgationi preposuit satis apertè demon-  
 strat, rarò in morborum initijs uenire in sum-  
 purgationes, plurimum verò sanguinis missio-  
 nes: q̃ dictio, maximè, venæ sectioni apposita,  
 clarissime ostendit. At si rarò in morborũ prin-  
 cipijs purgandũ, quando itaq; id accidet? Quan-  
 do? Nempe cũ turgent humores. Deinde quãdo  
 ad membrum aliquod fluunt, aut saltem parati  
 sunt fluere, & sanguinem mittere non est oppor-  
 tunum ppter dictas iam causas. Quod quidem  
 cũ rarò accadat rarissimeq; in morborũ initiis  
 corporibus ad purgationẽ paratis occurramus,  
 idcirco Gal. (vt arbitror) eo modo loquendi v-  
 sus est: nobis indicans in morborum initijs plu-  
 rimum sanguinem mittendum, rarissime verò  
 corpora purgãda. Ex quo lucidissime apparet mi-  
 norantes toto (vt aiunt) calo à Gal. mente aber-  
 rare. Sed quis vltèrius & nõ immerito quæret,  
 cũ in morbum initijs humores semper crudĩ  
 sint, vt in lib. de crisibus & alibi sepiissime scri-  
 psit Gal. quomodo itaq; corpora rectè in princi-  
 pijs morborum purgabimus? & potissimum cũ  
 Hip. i. Aphor parte neget cruda medicamento  
 tentanda esse, nisi turgeant: nõ turgent autem,  
 quando



quando mouentur ad determinatam partem. Hęc difficultatem soluere nescientes qui minoratibus aduersantur, in maximos errores lapsi sunt. Cui tamen nos facillime respondemus, q̄ & si humores qui in partem affectam fluxerūt, & in ea firmati sunt, crudi semper in morborum initijs existunt, tertia cruditatis significatione (quę purgationes maximè impedit) illi tamen q̄ adhuc sunt in motu, & ad affectā partē fluunt & ij q̄ parati sunt fluere, non ex necessitate crudi sunt, sed sæpissime concocti. Quod nobis clarius sic etiam apparebit, si sanguinem & biles ex quibus potissimū vehementes fluxiones & magnę eorum habent diligenti examine p̄penderimus. Nam neq̄ sanguis, neq̄ biles priusq̄ in parte ad q̄ feruntur, firmētur, plurimū cruda sunt, nec 2. nec 3. cruditatis significatione: (primam enim ut à p̄posito nostro alienam iam à sermone nostro abegimus) cū secunda concoctionis significatione, soli pituitosi humores crudi meritò appellari possint: (ut in 3. huius operis parte ostensum est) reliq̄ verò humores aut concocti aut supercocti. Nec etiam 3. cruditatis significatione humores illi crudi dicētur, nisi eos causę prater naturam inuaserint priusq̄ in affecta parte firmētur: q̄ non ex necessitate contingit. Erunt.



## QVART A

itaq; concocti & ob id in morborum etiam principijs nihil nos impedit quin eos (corpore ad purgationes parato) purgare possimus: nec tamē propter ea Aphorif. præcipienti cōcocta medicamēto tentanda non cruda neq; in principijs modo non turgeāt, aduersabimur. Non enim tunc crudos humores purgatione tentabimus, sed concoctos tertia concoctionis significatione: hoc est, à natura victos & transmutatos, & quātum eorum natura patitur, animali assimilatos. Verū si quando accidat humores fluentes à causis p̄ter naturam obtineri nunqd cū crudi sint eos purgatione tentare concessum sit? Equidem cū rem ipsam diligenti examine ppendo maximarum ambiguitatum ea mihi plena apparet. Nam unā ex parte videtur q̄ Hip. in Apho. illo sæpius adducto: Concocta medicamento tentanda non cruda neq; in principijs, nisi turgeāt: omnino phibeat crudorum humorum purgationem, & si eam aliquando concedit, id est, quando turgent: hoc est, huc & illuc p̄ corpus, concitati ad motum, vagantur. At humores illi nō hoc motu mouētur. Apparet itaq; q̄ nullo modo sine purgatione tentandi. Ex aduerso supponamus eos magno impetu in principijs aliquod membrum ferri: ad guttur scilicet (ut præposito exemplo



emplo insistamus) ita ut imminet periculum suffocationis, nisi ea fluxio sedetur, idq. sanguinis missione facere nobis non liceat, aut ob viriū imbecillitatem, vel propter etatem aut corporis habitum, qd p. dcum immortalem tūc agendum est? Profectò longè melius videtur fluētes humores etiam q. crudi sint, purgationibus reuellare, q. p. mittere ægotantem suffocari. At si id faciemus Hip. sententiæ aduersari uidebimur. Quid itaq. agendum? Ego equidem tam ancipitem rē prudentis medici ope indigere arbitror, qui utramq. indicationem optimè timetur: eā nempe quæ à cruditate humorum sumitur quæ purgationem omnino impedire videtur: & illā non minus quæ à vehementi & magna humorum fluxione capienda est, q. purgationem tunc admittit cū sanguinis missioni nullus est locus. Quibus indicationibus rectè p. pensis ei maxime ipsum intendere oportet, quæ validior videbitur. Vtrum quæ enim malum apparet purgare scilicet humores crudos: & p. mittere morbum tantopere augeri ut in maximum discrimen ægotantem perducatur. Inter duo itaq. mala id q. maius est proculdubio vitandum. Nāq. si ægotanti maiora nocumenta purgationem allaturam videamus q. sit emolumentū q. ipsi ea fluxu



## QVARTA

tium humorum reuulsio, & retardatio, afferre possit, tunc purgatione abstinendum erit. Sin verò res cōtra se habeat, indicatio quæ à cruditate humorum capitur præteriri debet: atq; in ea respiciendum quæ magna & uehemens fluxio nobis indicat: & si purgare opus sit purgandum. Nec Hip. Aphor. huic rei (ut opinor) aliquomodo refragatur: cū de ea purgatione ipsi sit sermo quæ ut peccantes humores euacuemus, corporibus adhiberi solet: non autem de ea, quæ fluxiones cohibere intendimus. Nam in hac auxilio natura non egemus ut ea scilicet euacuationi opituletur: cū trahere humores ad contrariā partem ei ad quæ mouet natura nitamur. Quod quando euacuandi gratia purgamus, maximè considerandum est. Nam quæ ducere oportet quo maximè natura vergit per loca conferentia eò ducere conuenit, ut 1. Aph. parte præcipit Hip. Cū itaq; idem dicat concocta medicanda ut Gal. in illius sententiæ expositione ait, quoniam tunc naturam etiā habebimus euacuationi spontè adminiculantem: propterea nihil aliud arbitrari possumus quæ Hip. locutum fuisse de purgatione, quæ intendimus corpus purgare, non fluxionem cohibere. Hæc itaq; cū sic se habeant, ut dictum est, propterea in purgationibus quibus



fluxiones uehementes sistere tentamus, id sum-  
 mopere cauendum est, ne partem humorum in  
 membro firmatam atq; in eo fixam purgatoriis  
 medicamentis aliquomodo moueamus: ut 4. de  
 ratione victus in morbis acutis his verbis no-  
 bis Hip. praeauit. Quicunq; autem ea quæ  
 inflāmantur statim morborū inter initia  
 medicamento soluere conātur, ij ab iten-  
 sa inflammataq; parte nihil adimunt. Nō  
 enim cedit obsequiturq; quæ adhuc cru-  
 da est affectio. Et quæ deinceps. Huius senten-  
 tiæ duæ hæ dictiones, soluere, & conantur, ap-  
 pertè ostendunt Hip. in inflammationū initijs,  
 eam solummodo purgationem vetare, qua hu-  
 mores in parte inflammata firmati, cūq; infixi  
 moueantur: non autem illam qua fluxiones hu-  
 morum sedari possunt. Quod quidem non est co-  
 nari soluere inflammationem, sed prohiberi ne  
 supra naturæ vires augeatur. Id respiciens (ut  
 arbitror) ipse quoq; Hip. 2. eiusdem lib. pleuriti-  
 de laborantibus, quando dolor ad septum trās-  
 uersum fertur, mediocrem purgationem præce-  
 pit: ut modus loquendi quo usus est satis demō-  
 strat. Non enim dicit φαρμακὸν εἶναι αὐτὸ καὶ βαρύνειν  
 αὐτὸν sed μάλιστ' αὐτὸν, hoc est, molire oportet, mode-  
 ratam purgationem tentandam esse indicans,



## Q V A R T A

qua humores in parte inflammata firmati non  
moueantur. Quod si quarto eiusdem libri eādē  
curationem pertractans vsus sit dictione φαρ-  
μακον οὕτω eo modo intelligenda est, vt in parte le-  
gitima eam intelligi oportere indicauit. Acce-  
dit ad hoc q̄ fortē sententia illa quarti de ratio-  
ne victus in morbis acutis inter legitimas Hip.  
non est reponenda. Nec cuiquam mirum videat-  
ur Hip. veratro nigro mediocrem purgationē  
tentasse, quando & ipse Gal. 2. in lib. de articu-  
lis cōmentario purgationem quā fit p̄ veratrū  
albū in raphanos infusum, inter mediocres pur-  
gationes enumerat. Nihil enim phibet validis  
pharmacis moderatē tamē sumptis: moderatas  
quoq; purgationes moliri. Quod arabum medi-  
corum praestantissimus Auicenna i fen 4. cano-  
nis nobis significauit, dicens, Exhibere medi-  
cinā fortem debilem, fortem quo ad vir-  
tutem debilem quo ad q̄titem. Nec vera-  
tri nigri vis adeò terribilis antiquis medicis vi-  
sa est sicut nostris temperibus multis videtur, q̄  
tamen eo nunquam vsi sunt. Quod si aliquando  
fecissent, eiusq; vim in purgando experti fuif-  
sent, illud absq; ulla prorsus molestia purgare co-  
gnoscerent. Sed de hoc latius in antiqua medi-  
na apologia differemus. Nunc enim iam tempus  
est



est ut ad quiescentes humores sermonē conuertamus. Humores itaq; q̄ quiescunt & nullo modo mouentur, nec moueri parati sunt: (de his enim vnā cū fluentium humorum indicatione p̄tatum est utrorūq; indicationes cōtingentes) sed in membro aliquo firmati atq; in eo fixi reperiuntur, in morborū initijs nullo modo purgatione tentandi sunt. Hoc Gal. tā apertē 4. dē ratione victus in morbis acutis affirmat, ut id nemo, nisi admodum proteruus inficias ire possit. Quarto (inquit) die purgandum indistincte pronuntiauit. Neq; enim inter morbi initia aliquod remediorum huiusmodi iniungere oportet, desumpto à numero dierū scopo: sed quod Hip. censuit est exequendum. Nam vel statim ab initio priusquam in partem aliquam confirmentur humores medicandum, vel postea cū ad maturitatem peruenerint. Sed maximā hoc quoq; difficultatem habet, nunq̄ scilicet id verū sit q̄ in p̄posita sententia dictum à Gal. est, quando humores fuerint tenues & serosi. Nā hī in principijs morborum etiam q̄ quiescant purgationem admittere uidentur: cū Gal. in lib. illo cuius inscriptio est. Quos quibusuē medicamentis & quo tempore purgare liceat, de tenuiū hu-



## Q V A R T A

*morum purgatiōe hac scribat. Et ad hęc omnia tempus etiā monstrabūt si quidem inter initia morbi tenues & serosos humores euacuabis, vbi crassi & tenaces fuerint quales suapte natura pituita est, & atra bilis cōcoctionem expectabis. Humores itaq; tenues etiam quod quiescant & in membris firmati sint purgari posse videntur. Quod si dixerimus, quo itaq; modo ipsi Gale. non aduersabimur? qui in sententia supra adducta, ex 4. de ratione victus in morbis acutis precipiebat, ut Hip. decretum obseruaremus: nempe priusquā impartes confirmetur humores, eos purgātes, aut quando iam firmati sunt, postquam ad maturitatem peruenerint. Huic per ardua quæstioni (qua multos in grauissimos errores pduxit,) id respondendum arbitror qd Gal. in dictis duabus sententijs, diuersas, ac fermè contrarias indicationes respexit: quarum quidem vnā, quæ videlicet ab humorum substantia capitur, nempe ab eorum tenuitate, quantum est ex se purgationem semp̄ indicat: altera verò quæ sumitur ab humorum quiete, & (ut ita dicam) ab eorum impactione & fixatione in mēbris, purgationem omnino prohibet: nisi prius concocti sint humores & à natura euicti. Ex his autem indicationibus*



nibus priorem quidem, in libro eo. Quos quibus  
ue medicamentis, ac quo tēpore purgare liceat,  
considerauit: nouissimam uerò 4. de ratione vi  
etus in morbis acutis. Verum cum duo hæc appo  
sita sint, contrariaq; indicent quodnam ex his,  
præponemus? Certè si ea per se sola consideremus  
non magis uni quàm alteri inharēdum est. Sed  
cetera respicienda. Nam si unā cum humorum  
quiete adsit eorū cruditas proculdubio duo hæc  
quæ purgationem impediunt, humorum tenui  
tati sola, præualebunt: & tunc nullo modo pur  
gandum, sin autem tenuitati humorum, ipsorū  
concoctio aut motus coniungatur, tunc ad pur  
gationes accedere poterimus: cum plura purga  
tionem indicent quàm prohibeant. Diuensa ita  
q; respiciens Gale. diuersa quoq; varijs in libris  
pronuntiauit. Quinimo eodem in libro, modo  
dixit tenues humores nulla expectata cōcoctio  
ne purgandos: modo nisi turgeant humores, sem  
per expectandam concoctionem: neq; ipse prius  
purgare bilem aggressus est quàm corpus præpa  
rauerit, ut ex libro de facultatibus purgantiū  
medicamentorum satis constat. Nunquid igitur  
Galenus sibi ipsi contradicit? Minime qui  
dē. Sed diuersas indicationes considerans uaria  
quoq; in diuersis locis pronuntiat. Quod Aui-



## Q V A R T A

cenna quoq<sup>3</sup> (ut opinor) fecit in sententijs ab v-  
 trag<sup>3</sup> secta in sui fauorem adductis. Quā quidē  
 rem non animaduertentes multi, parduīs q̄stio-  
 nibus se implicauerunt: atq<sup>3</sup> in diuersas sectas  
 partiti sunt Nam quidē credentes Gal. absolutē  
 concedere purgationem tenuium humorum in  
 principijs morborum: eā his peccantibus, semp  
 faciendam existimant. At alij respicientes eun-  
 dem Gal. quiescentes humores haud purgandos  
 precipere priusquam cōcocti sint, prioribus ad-  
 uersantur. Atq<sup>3</sup> hinc lites & cōtrouersia (ni fal-  
 bor) quæ diu fuerunt & nunc etiam inter medi-  
 cos versantur, ortum habuere. At si nos animad-  
 uerterimus quæ à Gal. Auicē. ceterisq<sup>3</sup> planē bo-  
 nis authoribus dicuntur nō absolutē vera esse,  
 sed p<sup>r</sup> ut varias indicationes respiciunt: tūc om-  
 niā plana & manifesta reddentur, ut in p̄posi-  
 tis sententiis dictum est. Verū ut res p̄fectius de-  
 claretur illud annotatione dignū existimo: q<sup>d</sup> nō  
 in omnibus morbis, quando humores sunt mē-  
 bris impacti, omnium eorū concoctio expectan-  
 da est. priusquā illos purgatione aliqua tētemus.  
 Nam in ijs morbis in q̄bus natura nō seruat hu-  
 mores ad vnā (ut aiunt) creticā excretionē, sed  
 partim cos cōcoqui, partim expellit p̄fecta om-  
 nium humorum concoctio priusquā aliquomo-  
 do



do purgemus expectari nō debet: sed partim cō-  
coctioni studēdum, partim purgationi: ut pars  
concocta educatur p̄ aluum, modo p̄ eam viam  
patientis membri situs, humores educendos esse  
demonstret. Vnde ut exemplo res clarius mani-  
festetur in Iecoris inflammationibus, quæ partē  
cauam infestant, non omnium humorum qui in  
parte affecta continentur expectanda est conco-  
ctio, anteq̃ aliquo modo eos purgemus, sed quan-  
do eorum aliqua pars concocta fuerit, tunc leui  
purgatione, quæ facile cedentem & concoctam  
humorum partem attrahat, crudam verò non  
agitet, humores educi possunt. Hoc Galenus 13.  
methodi medendi apertissime nos docuit, dicēs.  
Nam sicut Iecinoris cauū per aluū purga-  
tur vt paulo superius diximus, sic gibba c-  
ius per ea quæ modice vrinas mouent, cu-  
ius generis est apiū: procedente verò tem-  
pore vbi phlegmone iam concoquitur  
valentioribus vti licet, asaro, & cæltica  
nardo, & phu quod vocant, & petroselino  
& myrno, & meo, sicut etiam per vētre  
vacuare si cauum afficiatur cnico cibus ad-  
mixto, & vrtica, & mercuriali, & epithy-  
mo, et polypodio, omnibus præterea quæ  
aluum modice deijciūt magisq; in remis-



#### QVARTA

tionibus tum his ipsis audacius quàm antea vtendum, tum etiam his quæ sunt valentiora partim in ptisana coctis, partim tuis & in molliissimũ puluerem redactis. Exhibēda verò & hæc sunt, vel ex ptisana, vel ex aqua. Ego etiam filiculæ aliquit in ptinasa aliquando incoxi, & nigri veratri corticem. *Hec Galenus. Ex quibus clarissimè ostendit omnium humorum in aliquibus morbis concoctionem absolutam, non esse ante quas-  
cunque purgationes expectandam: sed quando-  
que partem concoctam purgandam esse: naturæ exemplo ducti, quæ in huiusmodi morbis par-  
tim concoquit, partim excernit. Quod maximi  
alioquin medici non animaduertentes in maxi-  
mum errorem incurrerunt, credentes omnium  
humorum quiescentium concoctionē expectan-  
dam esse, priusquam eos aliquomodo purgato-  
rijs medicamentis tentemus: quibus dicta Ga-  
leni sententia apertissime reclamationat. Postea au-  
tem omnia quæ dicta sunt (vt sciamus quando  
in principijs morborum purgandum, & quan-  
do purgationibus abstinendum,) febrium uehe-  
mentia & magnitudo maxime considerāda est:  
ut potè quæ omnium aliarum indicationum ad  
purgationem prohibendā, potentiā superet. Nā  
siue*



sive moneantur humores, sive quiescant, sive tennes, sive crassi sint, magna febre ac vehementissima agrotantem molestante, nunquam purgandum. Et propterea ut supra diximus Hip. 4. Apho. parte, precipit ut in morbis acutis, cum turgent humores prima die, vel (ut Galenus ait saltem altera purgemus, priusquam febris vehementia augeatur, quæ deinde purgationem impediet. Nam cum adest febris vehementia corpus purgationibus nullo modo tentare debemus, ob multas causas, & potissimum propter eam quæ in lib. de purgatorijs tetigit Hip. dñ hæc scribit. Quicunque sanè validis febribus corripiuntur his usque ad febris remissionem purgatoria medicamenta ne dato, sin id nollis saltem ne sitra quartumdecimum diem. Carnes enim ipsorum, & ventres, medicamentum retrahunt. Et quæ deinceps. Cum enim purgatoria medicamenta idcirco humores attrahant quia ipsis similia sunt (si Hip. & Gal. medicorum facillimè principibus fides abroganda non est) & ipsis calidiora (hæc enim est ut Gal. 5. de simpliciū medicamentorū facultatibus nos docuit, eorū quæ se attrahunt ratione similitudinis natura, ut semp calidis minus calidū ad se trahat) propterea cum in febribus magnis ac vehemē-



#### QVARTA

tibus humores valde calidi sint, oportebit purgans medicamentum calidissimum esse. Quod si erit, magis membra & corpus totum calefiet quod conueniat: atque vehementius febris ulterius augeta, in graue discrimen agrotantem perducet. Sin autem purgatorij medicamenti caliditas ab humorum caliditate superetur tantum abest ut id humores trahere possit, ut contra potius ab humoribus scilicet trahatur, atque ad membra ut dicebat Hip. ducatur. At si vnum aliud non excesserit, sed in caliditate paria fuerint, nec humores medicamentum, neque hoc illos ad se trahet: multa hoc modo agrotanti nocumenta acciderent, quae longum esset recensere, & a proposito nostro alienum. Ex quo clarissime patet quod opere aberrarent qui in magnis ac vehementibus febribus agrotantes purgationibus tentare non verentur. Hac itaque cum sic se habeant ut ostensum est, non immerito subit mirari cur Auicenna 4. fen. 1. canonis, in februm pestilentium initijs: (quae tamen ut ipsemet refert & ei Gal. 9. de simplicium medicamentorum facultatibus consentit interius vrunt & si exterius saepissime placide videntur) purgationem quando alij humores a sanguine peccauerint, precipiat: & potissimum tunc eo tempore humores crudi sint, & saepe quiescentes,



tes, & membris impacti. Nisi fortasse dicere uelimus Auicennam purgationē precipere reuulsionis gratia, ut videlicet venenosa qualitas à nobilioribus membris retrahatur: atq; ad ea ferri prohibeatur. Verum quoniam non ignobilis author Cornelius Celsus, cui Paulus quoq; Aeginetta Aetius, Rufus cateriq; probatiores medici consentire videntur, minimè utile esse cēsuit in pestilenti febre aluū purgatorijs ducere, propterea satius existimarem Auicennae sententiā medicorum antiquorum sententijs accommodare à quibus omnia fermè transumpsit. Quod optime fiet si eius dicta non de purgatione, sed de euacuatione eorum quae in ventre continentur intelligamus. Nam & Celsus & alij pituitā in ventriculo existentem in febribus pestilentibus vomitu educi posse nō negāt. Quinimmo celsus de pituita in stomacho retēta hac inquit. Si pituita in stomacho coijt inclinata iā accessione vomere cogēdus est. De hac euacuatione opinor intelligendam esse Auicennae sententiā non autem de ea quae purgatorijs medicamentis effici solet: & non de hac sola quae per vomitum fit, sed de illa atiam cuius meminit Hip. quarto de ratioe victus, in morbis acutis in febris ardētis curatione dum ait. Quod si amarū osfue-



## Q V A R T A

rit vomere confert, & ventrem subjuere.  
 Verum si adhuc non aperiatur lacte asine  
 cocto purgabis. Non enim sola pituita in ven-  
 tre collecta educenda est. sed etiam bilis si in eo con-  
 tineatur: eo nempe modo quem illius sententia  
 author nos docuit. Qui in extrahenda bile lacte  
 asinae usus est: non purgatorijs medicamentis ob-  
 rationem quam Gal. eam sententiam exponens  
 ijs verbis nobis tradidit. Quod omnino qui-  
 dem eam quæ in ventre est bilem euacua-  
 re præcipiat, timeat autem purgatoria me-  
 dicamenta, quæ & acria & prorsus calida sint,  
 ob id ad lac asinae diuertit: ut potè quæ nul-  
 lam ut non aliud vllum habeat acrimoniã,  
 sed præ omnibus vnum humiditate exu-  
 perat, & ob id solum ventrem subit. Quo  
 fit ut merito dicendum sit Hip. (si eius fuit illa  
 sententia quæ illo digna Gal. visa est) improprie  
 purgationis nomen sumpsisse, pro ventris leni-  
 tione. De qua verisimile est ipsum quoque Auicen-  
 nam locutum fuisse, & non de illa quæ purgato-  
 rijs medicamentis consuevit fieri ut grauisimi  
 alioquin viri censent. Verum Hip. dicta temere  
 intelligenda non sunt (ut multi faciunt) sed ea  
 adhibita distinctione quæ modus loquendi ipsius  
 nobis indicat. Nam primo in ardentium febrium  
 curatione



curatione clysteribus tentāda est eorum quæ in  
ventre cōtinentur eductio. Quod si clysteribus  
venter aperiatur (ut Hipp. verbo utar) tunc ab  
ijs desistendum quæ per os intro sumpta aluum  
leniunt. Si verò id clysteribus non assequamur,  
lactæ cocto ut consuevit Hipp. aut lactis sero ut  
Gal. vel cassia fistula uti nos solemus, venter le-  
niendus est. Nam id Hipp. adducta sententia, ac  
modus loquēdi quo utitur satis apertè indicat.  
Ait enim. Quod si os amarum fuerit vomere  
confert & ventrem subluere. His con-  
tentus esset ille si venter aperiretur. At si  
non aperiatur venter (inquit) ex ijs, lactæ asinæ  
cocto purgabis. Quod fortè respexit Auicē. 4.  
canonis in cōmuni febrium putridarum cura-  
tione quando dixit, clysteris vsum præ cæteris  
lenientibus aluum, sibi placere nobis significās,  
ut ab eo tanq̃ remedio maxime pficuo in febriū  
putridarum curatione cū aluum lenire intēdi-  
mus, incipiamus. Quod si ad hoc, illud sufficiat,  
alijs certè corpus molestare non expedit. In qua  
re quāto opere deficiant medici q̃ plures unicuiq̃  
videre licet: cū in febrium putridarū curatione  
etiā q̃ commodè venter clysteribus & solutioni-  
bus leniatur nihilominus cassiam agrotātibus  
semper propinant & ingerendam præbent. Sed



## QVARTA

horum errorem apertius in antiqua medicina  
Apologia nostra detegemus: idcirco hæc dere-  
linquentes ad propositum reuertamur, ac cū cel-  
so alijsq; planè bonis authoribus dicamus purga-  
toria medicamenta in pestilentium febrîū ini-  
tijs nullo modo agrotantibus exhibēda. Verūm  
de venenis quid dicemus? nunquid purgatorijs  
medicamentis tentanda? cū cruda semper sint:  
nec aliquo modo multi ex his concoctionem ad-  
mittant? Quid dicemus? illud profecto qd Gal. s.  
de simplicium medicamentorum facultatibus  
scripsit. Nempe venena purgatorijs medicamē-  
tis ut purgatoria sunt, non egere sed altero ale-  
xipharmacorum genere. Et propterea aliū mo-  
dum euacuationis habent, quàm is sit quo Hip.  
in Aph. præcepit, concocta medicamento tentā-  
da nō cruda neq; in principijs. Quod si quandoq;  
remedijs quæ ad venena scripserūt antiqui pur-  
gatoria mista reperiantur, ea (ut opinor) ipsis  
non tanquam purgatoria medicamenta, sed tã-  
quam venenis aduersantia inciderunt. Ex his  
itaq; quæ dicta sunt (ut disputationi nostræ tan-  
dem finem imponamus) clarissimè patere arbi-  
tror: quanam fuerit Hip. atq; Gale. de proposita  
questione sententia: ac quomodo difficultates q̃  
nostræ ætatis medicos perturbant, facillimè di-  
luī



lui possint. Nam optimi illi medicina parentes quando corpora egrotantium ad purgationes imparata videbant, & potissimum, Si vehemens febris una aderat, nunquam corpora in morborum principiis nec in alijs ipsorum temporibus purgationibus tentabant. Quod si corporibus ad purgationem paratis occurrissent turgentes humores in principiis morborum utique purgassent: similiter & fluentes & paratos fluere ad determinatum membrum fluxionis periculosa sistenda ac minoranda gratia. At quiescentes, ac membris impactos humores in morborum initiis optimi illi medici nunquam purgationibus tentarunt. Quae omnia ex variis eorum sententiis si in unum conferantur manifestissime apparent. Hae sunt optimi veritatis cultores quae de proposita sententia post longum examen tandem assequi mihi concessum est. Quae si vera sunt Deo Opt. Max. bonorum omnium donatori gratiae reddantur, qui nobis veritatem demonstravit. Si vero à recta veritatis via ea aberrare vobis videantur, vos omnes rogo atque obsecro ut aequo animo illa castigetis: ut errorem meum cognoscens me ipsum aliquando corrigam, & ad meliora perquirenda me accingam.



TRACTATUS  
DE CÆNA ET PRANDIO.



*V*M Ab antiquis medicis, & imprimis ab Hippocrate & Galeno apertissime receptum sit cænā prandio vberiore esse oportere, solidioresq; in ea cibos esse capiendos, propterea medicorum quorundam audaciā non satis mirari queo, qui affirmare nō verentur, longē salubrius esse, maiorem ciborum partem atq; solidiorem in prandio sumere, minorē verò, eamq; concoctū faciliorem in cæna. Quæ tamen consuetudo ab optimis illis medicina parentibus (ut potè mortalibus valdè nocua) semper detestata fuit. Verū ne hæc ex mea potius sententia, quàm ex rei veritate dicere videar, antiquorum decreta, quibus ea manifestissime comprobari possunt, hic inferere decreui: ex quibus luce clarius fiet, cænā iuxta eorum opinionem prandio vberiore esse oportere, atq; in ea solidiores cibos omnino esse capiendos. Sed priusquam ad rem ipsam deuenio: præstātissimorum alioquin medicorum sententia paucis refutanda est, qui arbitrantur cænæ ac prandiū nomen aliud Hip. ac Gal. significasse quàm nobis significet: ac negant prandium apud eos fuisse cibum  
qui



qui mane assumeretur: cœnam uerò qui uesperè.  
Aduersus quos & si sexcenta (ut ita dicā) Hip.  
& Gal. loca adducere possum: unum tamen so-  
lūmodo (ne in re planè manifestissima diutius  
quam par est morer) ex 2. de ratione victus in  
morbis acutis in medium afferam. Hip. itaq; do-  
cens curare lesiones, quæ illis accidunt, qui præ-  
ter consuetudinem prandent, hæc scribit. Con-  
uenit autem his pmutationem æqua vir-  
tute compensare. Dormire siquidem eos  
oportet, tanquam noctem à cœna hyeme  
quidem citra frigus, æstate uerò citra ca-  
lorem agant. Quod si dormire nequeant,  
plures lente ambulando absoluant circui-  
tus, neq; stent, nihil cœnent, aut pauca &  
innocua, minus præterea bibant, sed me-  
racius, & non dilucius. Quam sententiā ex-  
plicans Gal. tam apertè hos ostendit à recta ve-  
ritatis via alienos, ut de hoc nemo ulterius du-  
bitare possit. Inquit enim. Maximè quidē is  
dormire eos plurimum iubet. Etsi dormi-  
re nequeunt, plures lenta ambulatione  
absoluant circuitus: idq; ut quamplurimi  
expositorum aiunt post cœnam: sed ut eo-  
rum q̄ dicuntur sensus præcipit post pran-  
dium. Nam oratio hæc tanquam noctem



# TRACTATUS

agant de somno meridiano nō de noctur-  
 no dici expostulat. Præterea quod conti-  
 nuata scriptum est serie ubi inquit. Si ve-  
 rò dormire nequeant plures lente ambu-  
 lando absoluant circuitus, neq; stent, ni-  
 hil præterea cœnent vel pauca & innocua.  
 Testatur Hip. velle eos à prædio dormire  
 non à cœna. Duorum igitur alterum, aut  
 emendanda est tanquā errati conscia scri-  
 ptio atq; ita scribendum. Dormire liqui-  
 dem eos oportet post prandium tāquam  
 noctem agant, hyeme quidem citra fri-  
 gus: æstate verò citra calorem, vel si serua-  
 re volumus orationem hanc, à cœna, in-  
 telligenda est, hoc pacto dictio. Dormire  
 siquidem eos oportet ut à cœna ante dor-  
 miebant, sic & nunc post prandium tanq̃  
 noctem agant *Ex hac Hip. ac Gale. sententia*  
*certissimum est, eos prandium vocasse cibū ma-*  
*ne: cœnam verò vesperi sumptum: sicut etiā nos*  
*soliti sumus ea appellare. At quia de nominibus*  
*laborare, (ut Gal. ait) est operam ludere, idcir-*  
*co, prandij ac cœnæ nomine omisso, illud ad exa-*  
*men reuocemus: nūquid ex Priscorum medico-*  
*rum decretis uberiùs edere mane solidioresq; ci-*  
*bos capere, an vesperi conueniat. Quod quidem*  
*optime*



optime explicare poterimus, si prius aperiamus quomodo in animalium corporibus recta alimentum dispensatio procedat. Ex hoc enim præpositæ questionis dissolutio ac rei veritas facillime nobis manifestabitur. Omnibus itaque, propemodum animalis partibus, ut tertio facultatum naturalium nos docuit Galenus, insitum quoddam est natura desiderium, ac veluti appetentiæ convenientis sibi qualitatis, & quædam auersio ac veluti odium aliene. Illud quidem sequitur convenientis rei attractio, hoc vero aliene repulsio. Verum cum omne quod aliquid natura attrahit, id non frustra ad se trahat, sed usus alicuius gratia, idcirco animalium membra convenientem sibi qualitatem attrahunt, ut ea fruantur. At id facere nequeunt nisi eam retineant. Facultatem itaque retinendi membra habere necessum est. Sed si expetunt, & trahunt, & retinendo ac undique constringendo fruuntur, esse utique debet etiam finis fruitionis. Porro is finis est, ut eius quod in qualitate convenit, atque consentit partem aliquam capiant, & in sui substantiam transmutent. Hæc omnibus propemodum animalis partibus insunt. At præter ea ventriculo & maxime eius partibus quæ ad orificium pertinent, ut quarto de usu partium corporis humani Gal. asserit, peculiaris



## TRACTATUS

quidam sensus indigentiae & inanitionis ab ipsa natura datus est, quo ad cibum capiendum excitatur. Eo autem assumpto deinde ipsum cōpletitur, ac undique cōstringit: idq; non alia sanè de causa quàm ut illo fruatur, eiusq; partem in sui substantiam conuertat. Verum cum cibo non tanta cum ventriculo intercedat familiaritas, ut statim in eius substantiam conuerti possit, ob id & panis (exempli causa) & lactuca, & beta, & ceteri cibi prius alterari postulant, quàm eorum aliqua pars in ventriculi substantiā trāsmutari queat. In eo igitur ciborū cōplexu innatus vētriculi calor eos in minimas partes cōminuit, ipsiq; qualitatem quandam præbet, qua apti redduntur ut animal nutrire possint. Quod quidem ut Gal. 3. facultatum naturalium testis est, vere ciborum concoctio appellatur. Ea actione perfecta, cibisq; concoctis, ventriculus partē sibi maximè conuenientem, & necessariam pro sui alimēto, paulatim & halitus specie attrahit eamq; in tunicis suis reponit: aliam uero tanquā onus ipsum grauans, abiicit ac deorsum trudit. Quam intestina recipiunt, eaq; fruuntur & illius partem sibi ipsis apponunt. In transitu uero per ipsa magna alimentorum pars per vasa quæ ad ea pertinent, à Iecore rapitur. Qua attracta, id

quoq;



quoq; illa fruitur, ipsam ulterius alterat, & partem ei necessariam ut possit ali, omnibus suis particulis apponit. Interim ventriculus non vacat sed q̄ prius sibi apposuerat id agglutinat. Post appositionem enim necessaria est (ut primo facultatum naturalium sentit Gal.) quadam alimentorum agglutinatio. At postquam Iecur (ut ad id reuertamur) partem sibi necessariam in particulis suis reposuit, quod reliquum est à se expellit. Id per membra distribuitur, q̄ ad se trahunt, in seipsis reponunt agglutinant, & in propriam substantiam transmutant. Verum dum membra alimentū attrahunt, ipsoq; fruuntur: Iecur sibi prius appositum agglutinat: & ventriculus tunicis suis iam affixum in propriam substantiam conuertit. Omnem itaq; (maioris perspicuitatis gratia) natura circa nutrimentū operam in tria tempora (ut Gal. precipit) cogitatione partiamur. Atq; in primo imaginemur cibum à ventriculo trahi, ab eoq; cōcoqui, tum ipsi ad saturitatem apponi, aliquid verò eius ad iecur etiam ascendere. In secundo verò, cogitemus eum ad intestina trāsire: & ad iecur trahi: ab illoq; etiā contineri, concoqui, & in eius particulis reponi. Hoc tempore, quo hac in Iecore fiunt, in vētriculo pars illa alimenti quæ tuni-



## TRACTATUS

cis eius prius apposita fuerat, ipsis egglutinatur.  
 Duo hac tempora, tertium tempus excipit, quo,  
 id quod à Iecore reijcitur per membra distribui-  
 tur, ab hisq, attrahitur, continetur & in singu-  
 lis eorum partibus reponitur. Eo tempore, quod  
 Iecori appositum fuerat ipsi affigitur: quod uerò  
 ventriculo agglutinatum, in eius substantiam  
 conuertitur. Et postea noui alimenti tempus ad-  
 uenit, Quod si animal assumat, quo tempore id  
 ventriculus recipit, continet, & quicquid uti-  
 le ipsi, in tunicis suis reponit, eodem, Iecur parti-  
 bus suis iam affixum, in propriam substantiam  
 conuerit: cætera uero membra sibi appositū ag-  
 glutinant. Quo autem tempore ventriculus no-  
 uum agglutinat alimentum, eodem Iecur, illud  
 attrahit cōtinet, & suis particulis apponit, alia  
 uero membra ipsis prius affixum transmutant.  
 Et postremo quando ventriculus nouum quod  
 ipsi prius affixum fuerat trāsmutat, tunc Iecur  
 sibi appositum agglutinat, & reliqua mēbra il-  
 lud ad se trahunt, continent, & in se ipsis repo-  
 nunt. Quo maxime tempore animalia exercita-  
 re expedit, ut post exercitia commodè iterum ci-  
 bos assumant. Hoc modo recta alimenti dispē-  
 satio procedit. Quam si diligenti examine per-  
 pendamus illud proculdubio nobis constabit: q  
 scilicet



scilicet si incolumem vitam degere velimus, id  
 obseruare debemus, ut eam ciborum quantita-  
 tem capiamus quæ priusquam noui alimenti tē-  
 pus adueniat à ventriculo, & Iecore concocta sit  
 & p corpus digesta, ac in mēbris reposita. Quod  
 eo tēpore accidit quo ventriculus ciborū partē  
 tunicis suis affixam transmutauit, ac vacuus  
 purusq; remansit. Cū itaq; hæc sic se habeant (ut  
 ad rem tandē deueniamus) cumq; inter cibū ma-  
 tutinum & vespertinum tantum temporis in-  
 terponi nequeat, ut ea natura opera quæ dicta  
 sunt, absoluantur: neq; vētricus si is mane re-  
 pletus fuerit, vacuus & purus vespertinum ci-  
 bum recipiat: propterea cibos concoctu facilio-  
 res, & paucos mane edere debemus: ut celerri-  
 me, tum in ventriculo, tū in Iecore concoquan-  
 tur: eorumq; excrementa citissime descendant:  
 & vacuus purusq; ventriculus eo tempore sit,  
 quo vespertinos cibos ingerere volumus. Quos  
 & plures & solidiores esse hæc etiā ratione opus  
 est, qd scilicet inter eos & matutinum cibum lon-  
 gius tēpus interponitur, in quo possunt (etiam  
 qd ventriculus tunc repleatur) omnes illæ natu-  
 ræ actiones perfici. Accedit ad hoc qd cibos illos  
 quies sequitur & somnus, quæ ad bonam conco-  
 ctionem in vētre & Iecore potissimum pficien-



## TRACTATUS

dam, maxime conferunt. Quod respiciens Gal.  
7. met. med. refectoriā victus rationē, ijs q val-  
de extenuati sunt cōuenientē, docēs: hac scribit.  
Quippe quod in superioribus suāsimus,  
cum valentius alimentum vesperi exhibē-  
dum censuimus, id semper obseruare stu-  
debimus: vtiq; non leue percepturis com-  
modum ijs, qui ita cibātur. Et paulo infe-  
rius. Ergo tantam exhiberi primam ciba-  
tionem est rationabile, quanta priusquā  
secunda sumatur tota prorsus erit conco-  
cta. Id cōtingere valentiori alimento non  
potest. Quare primo loco leue sumendū  
his est: quo videlicet & cōcoquatur celer-  
rime, & excrementum eius descendat, &  
vacuus purusq; ventriculus secundum ex-  
cipiat. At quoniā nō solū quies & somnus  
sed etiam longius tempus huius naturalē  
administrationem excipit, ratio est vt va-  
lentiores ciborum hoc maxime tempore  
offerantur. Itaq; etiam athletæ id faciunt,  
qui cum vsum non solū ratione inuene-  
runt: sed etiam longa experientia cōpro-  
barunt. At non immerito quispiā fortasse qua-  
ret. Quam ob causam cibus vespertinus quoniā  
eum sequitur quies & somnus vberior matuti-  
no



no esse debet? Quam ob causa? m Nempe quia inquiete & somno meliores concoctiones fiunt q̄ in motu & vigilijs: ob id quando corpus moueri necessarium est, aut vigilare, minus viscera repleta esse expedit: cum vero quiescendū & dormiendum magis: quoniam optime tunc in visceribus res concoquuntur. Nam eo tempore quo animalis facultas (facultatem animalem intelligo, quæ est principium sensus & motus secūdū electionem) est in opere: naturalis, altrixq̄, imbecilliter operatur: & contra, ea scilicet quiescente hac maxime munere suo fungitur. Cum igitur in animalium quiete animalis facultas ocietur, idcirco altricem eo tempore maxime operari dicendū est. Ergo & validissime concoquere. Quo factum est vt Hip. quarto de ratione victus in morbis acutis (dum docet quomodo humores bene concoqui possint) praeceperit vt corpus quiescere permitamus, Quod Gal. explicās, hoc alimentorum quoq̄ concoctioni valde conferre, ijs verbis nos docuit. Natura igitur assumpto in ventrem deuoratoq̄; alimento, à cæteris quidem motionibus cessare debet, vt soli quod concoquendis cibis deputatum sit operi vacet. Magis ergo ventres repleri debēt quando corpus post assumptum cibum quiescere  
quam



## TRACTATUS

quam quando moueri oportet: cum eo tempore naturalis facultas melius operetur & cōcoquat. Similiter quando animal dormit copiosiora alimenta in visceribus id cōtinere opere præcium est, quàm eo tempore quo vigilat. Cū enim calor innatus, in somno interiora petat in visceribusq; maxime augeatur: contra vero in vigilijs extraferatur, in extremisque partibus vigeat: quis quæso vnquam inficiās eat in somno meliores concoctiones fieri quàm in vigilijs. Quod cum sit: plurimo itaq; alimento in somno egent. Quæ ratione ipse quoq; Hip. motus, prima Apho. parte hanc sententiam scripsit. Ventres hyeme & Vere natura calidissimi, & somni longissimi: quare per ea tempora alimenta copiosiora sunt exhibenda Etenim tūc calor innatus plurimus est: vnde & pluribus egent alimentis Indicio sunt ætates et athletæ. Si hæc Hip. ratio vere ostendit, hyeme ventres copiosiora alimenta postulare, quàm æstate: ea etiam demonstrabit ventres in somno pluribus alimentis egere, quàm vigilijs. Nam vna ex causis, quas affert Hip, cur hyeme magis quàm æstate ventres pluribus alimentis egeant, est somniū longitudo. At si magis in vigilijs (ut isti opinantur) ventres replere melius est quàm  
in



in somno, profecto non quo tempore somni longissimi, copiosiora alimenta essent sumenda, sed contra potius, eo nempe tempore quo vigilia somnos exedunt: quod astatu tempore accidit. Hip. itaque in proposito Aph. deceptionem eam commisit, quam Aristoteles 1. Sophisticorum elenchorum, deceptionem non causa ut causa appellare consuevit. Accedit ad hoc quod sententia illa, paucis mutatis, somno optime accommodari potest, idque de ipso demonstrare, quod ab Hip. de hyeme & vere ostensum est. Nam si loco dictionis (hyeme & vere) dictionem hanc (in somno) Aph. adaptemus, vera etiam eius sententia talis erit. Ventres in somno natura calidissimi. Quare per id tempus alimenta copiosiora sunt exhibenda. Etenim tunc calor innatus plurimus est: unde & pluribus eget alimentis. Indicio sunt astates & athleta. Verum qui aliter quam nos sentiunt, nostram hanc sententiam ab Hip. Aphor. longe differre contendunt: nullamque esse convenientiam inter somnum & hyemem asseuerabunt, ut quae ratione ab Hip. scriptum est, ventres hyeme plurimis alimentis egere, eadem, dicere valeamus idem ipsis in somno contingere. At boni viri quamnam causam tradidit Hip. qua hyeme ventres plurimis alimentis egere comprobetur? Nullam



## TRACTATUS

certè aliam quàm hæc: quia videlicet calor innatus interiora tunc pctens, & in profundum sedēs, calidiora viscera efficit, & propterea validis alimenta concoquere possunt, q̄ æstate: in quo calor innatus ad exteriora fertur, v̄tresq̄ frigidiores remanent. Sed nonne hoc idē in somno & vigilijs euenit? Nonne calor in somno interiora, in vigilijs verò exteriora petit? Hoc tã apertè ab Hip. 6. de vulgaribus morbis parte 4. concessum est, vt nihil clarius dici aut excogitari possit. Euidenter (enim ait) vigilans calidior exterius: interius autem frigidior dormiēs contrario, calidior videlicet interius: exterius verò frigidior: cui ex̄periētia quoq̄ attestari videtur. Nam vt eam sententiam exponens Gal. inquit. Dormientes tum pluribus stragulis, vestibus, & capitis egent tegumentō, si frigidus vt hyberno tempore quo circū funditura ær sit. Atqui interdum vigilātes hæc non requirunt. Quinetiam maior inspiratio plus caloris in penetralibus corporis collectum esset testatur. Sicut itaq̄, innatus calor hyeme ad interiora vergit, æstate verò ad exteriora, ita in somno interiora petit, exteriora verò in vigilijs. Quamobrē in somno pariter & hyeme v̄tres calidiores esse, æstate verò & in vigilijs



gilys frigidiores necessum est. Quomodo ergo imbecillior est concoctio aestate quam hyeme, & propterea tunc ventres minus replere expedit, ita & in vigilijs ventres imbecillius concoquere dicendum est, quam in somno. Quo fit ut eo tempore minus etiam repleri debeant quam eo, quo somnus iam instat. Quod idem quoque Gal. 4. parte sexti de vulgaribus morbis ubi sententiam Hip: dicens. Aqua edax vigilia edax, exponit nos docuit hunc in modum scribens. De hac etenim olim sicut & de somno notitiam habuistis. Concoquit plane somnus ut pote calido tunc interiora potente: dissipat vigilia in fito calido dum exterius emicat se cum haud exiguas corporeae substantiae particulas educante. Igitur propterea aqua & vigilia edaces dictae sunt. Hoc idem 5. eiusdem lib. parte nobis indicavit, haec dicens. Num igitur satius fortasse est hoc modo legere (labor articulis & carnibus) deinde ab alio principio (cibus & somnus visceribus) ut oratio eiusmodi sit. Exercitatio quidem articulis & carnibus utilitatem praebet, cibus vero & somnus visceribus. Naturali enim calido in profundum vergente ut ipse tradidit & escarum concoctiones meliores



## TRACTATUS

fiunt: & tunc viscera nutriuntur. At in vigilia naturali calore ad cutem profuso viscera se ipsis frigidiora euadunt, & quæ ipsis in somnis inerant hæc extremis omnibusq; extrinsecis membris in vigilia. *Quid clarius dici, aut excogitari potest? Igitur somno cum hyeme conuenit q̄ in utrisq; calor innatus interiora petens, calidiora viscera reddit, & validiora ad concoctiones perficiendas: contra verò æstate & in vigilijs. At id causa est, vt hyeme validiora alimenta sumere debeamus, vberiusq; edere q̄ æstate, vt Hip. dicebat: hæc itaque causa quoq; iure optimo dici debet, vt cibos vberius vespere capiamus, ventresq; magis repleamus, accedente somno, q̄ mane instantibus vigilijs. Hanc somni ad hyemem proportionem 6. de vulgaribus morbis parte quarta nobis declarat Gal. in iam adductæ sententiæ expositione, qualis erat. Euidenter vigilās calidior exterius, interius autem frigidior, & contra, dum inquit. Et concoctiones in dormientibus efficacius quàm in vigilantibus fieri non solum in ventriculo comestorum ciborum, verum etiam humorum in Iecore & venis corporis, abditas sedes in dormientibus calidiores effici signum est: cū*  
à nobis



à nobis concessum & supra ostensum sit,  
 omnium in corpore concoctionum inge-  
 nitū calorem præcipuum esse opificem.  
*Ita sanè & in libris Aph. memoria prodidit de*  
*etatibus, tēporibus, exercitationibusq; ubi ha-*  
*bet.* Ventres hyeme & vere natura calidif-  
 simi sunt & somni longissimi. His igitur  
 temporibus plura alimenta danda sunt:  
 siquidem insitus calor multus: pluri ergo  
 indiget esca. Iudicio sunt ætates & athle-  
 tæ. *In hisce quidem verbis breuiter de etatibus*  
*locutus est: in altero Aphor. latius atq; ideo cla-*  
*rius, ita inquit.* Crescentia corpora pluri-  
 mum habent insiti calidi, plurimum igitur  
 requirunt alimentum. Sin minus cor-  
 pus digeritur, senibus verò exiguus calor  
 inest, idcirco paucis fomentis egent. Secū-  
 dum ætates quidem haud intro forasque  
 ingenito calore migrante, sed temporis  
 progressu senilis ætas omnium frigidissi-  
 ma efficitur. At hyeme calore ad penitio-  
 ra se condente, ventriculus quidem, & re-  
 liqua viscera calidiora, subcutaneæ verò  
 partes frigidiores redduntur. *Et quæ dein-*  
*ceps. Ex quibus mehercle verbis unicuique in*  
*promptu est videre q; hyemi proportionē hae*



## TRACTATUS

respondēt corpora nempe quæ crescunt, quæ exercitātur & somnus. Nam sicut in hyeme quia calor innatus plurimus est, propterea plurimo alimento viscera egent, ita & corpora quæ crescunt, & quæ exercitantur ob innati caloris abundantiam plurimum postulant alimentum. At si hæc ita se habent id longè magis de somno dicendum, qui hyeme maximè assimilatur: cum in eo quemadmodum etiam in hyeme calor ad interiora secedat, & propterea viscera calidiora reddantur. Quod de atatibus & athletis dicendum non est, ut præposita Gal. sententia, satis apertè indicat. Verùm (ut intelligo) ex oppositæ partis fautoribus quāplures sunt, qui & si his & similibus rationibus manus præbent: & fatentur vel inuiti salubrius esse cum animal incolume degit, vesperi copiosiora ipsi alimenta præbere quàm manè, per horti tamē posticum (ut aiunt) subterfugere conantur: dicentes hoc in ijs qui à grauedine & catarrho tenentur minimè verū esse. Quod quidem satis apparente ratione (falsa tamen) ostendere nituntur. Atq; imprimis (inquiunt) cum grauedines & catarrhi nocte maximè vigeant, idcirco eorum qui ab eiusmodi morbis molestātur modicus esse debet cibus vespertinus, quem nox sequitur. Accedit ad hoc quod



quod in somno maximè vapores ad caput deferuntur, ex quibus grauedines & catarrhi magnopere generantur: vesperi itaq; moderatè ventres replere expedit ne vaporum tanta copia ad caput ascendat, quanta à multitudine ciborum eleuari solet. At si matutinus cibus vberior sumatur, grauedine & catarrho laborantibus nihil aut parum incommodi hoc afferet, cū illum sequatur vigilia: in quibus morbi illi, minus infensi sunt: ac pauciores vapores caput petunt q̄ in somno. Sed (eorum pace dictum sit) ab ipsa veritate sunt alienissimi. Nam primo cum hyeme pituita catarrhi & grauedines maximè uigeāt, cur itaq; Hip. (ne à proposito Apho. recedamus) precipit ut eo tempore magis q̄ aestate ventres repleantur? Huic quæstioni si aliquam adducāt hi, solutionem eadem & nos ipsorum obiecta diluamus. At quam aliam meliorem afferre poterant, illa quam Gal. i. de natura humana nobis tradidit? Eā itaq; in mediū adducamus ut q̄tū hi ab eius mente deficiāt clarissimè pateat. Gal. igitur quandā sententiā Hip. explicans hæc est. Incunte hyeme bilis: quia iam refrigerat decrescit, & pituita de integro augetur tum à frequentibus pluuijs, tū ab noctiū longitudine. *Querit quomodo pituita, qua*



## TRACTATUS

*frigida & humida est, non tēperata veluti sanguis, dicatur in hyeme augeri: cū ea sententia in Aph. scripta sit.* Ventres hyeme & vere natura calidissimi & somni longissimi. His igitur temporibus alimenta copiosiora sunt exhibenda. Etenim calor innatus multus est: nutrimentum ergo plenius requirit indicio sunt ætates & athletæ. Et rursus alia quæ ait. Aestate & autūno cibos difficillime ferunt: hyeme verò facillime, medium locū ver habet. *Si alimentū melius hyeme q̄ alijs tēporibus cōcoquitur quoniam vētres calidiores: cōuenire itaq; videtur vt sanguis potius q̄ pituita augeatur: aut si hæc magis eo tpe crescit, minor utiq; ciborū copia tūc esset sumēda. Quo igitur modo scrupulus hic explicabitur? Huic q̄stioni satisfaciēs Gal. hæc ait.* Dicam quod sentio. Sunt quidem calidissimi hyeme naturali calore vētriculi, hoc est, tempatissimi, sed corporis partes è diuerso refrigerātur hyeme ipseq; adeò venter quibusdam, aut ex itinere, aut ob vestium inopiam, aut eiusmodi quippiam. Omnis igitur ambientis aëris frigiditas in corpus penitissime se insinuat: quibusdā verò ad ventris vsq; regionem penetrat,

vt



vt dictum est. Itaq; vt perfecti rectè sint in  
ventriculo sumpti cibi, in Iecore certe dū  
mutantur nō absolutam assequuntur san-  
guificationis (vt sic dicam) cultum. Sed ali-  
qua in eo offensa existit. Quo minus toti-  
us corporis venæ mutant illos refrigeratę.  
Huc accedit ciborum multitudo qui hye-  
me sumuntur: quibus qualitates quoque  
sunt pituitosiores. Et quæ deinceps. Ex qui-  
bus proculdubio constat hyeme pituitam potius  
augeri in extimis corporis partibus q̃ intimis:  
& ex indebito potius regimine in 6. rebus, quas  
nō naturales appellant q̃ temporis ratione, quo  
perfecto tempore vt 1. Aph. parte dicit Gale. &  
cōcoctiones & sanguificationes, & nutritiones  
meliores fiunt q̃ alijs temporibus. At cū nox (vt  
ad propositum redeamus) hyemi proportionē re-  
spondeat eodē Gal. 1. in 6. de vulg morbis cōmen-  
tario testāte: propterea pituita catarrhi graue-  
dines & similia nō noctis ratione augebuntur:  
sed eadē qua Gal. dicebat hac hyeme maximè fie-  
ri, nēpe ob vestiū inopiā, qbus occurrere vehemē-  
ti aëris frigiditati nequimus: ne exteriores partes  
valdè refrigeret: aut ob pituitosi vaporisq; ali-  
cuius cibi esum aut uitæ genus aut eiusmodi q̃p-  
piam. At si aëris ambientis vehemēti frigidita-



## TRACTATUS

*ti occurramus, cibosq; edamus qui nullo modo  
aut parum sint (ut sic dicam) vaporosi, & eorū  
esum (moderata interposita vigilia) sequatur  
somnia: qua tunc ratione magis nocte quā die  
grauedines & catarrhi generabūtur? Quia (in-  
quiunt ij) ex maiori ciborum quantitate vespere  
sumpta, maior quoq; vaporum copia ad caput  
feretur in somno, quā si in vigilijs eadem sum-  
pta fuerit. Sed si hoc ipsis non admiserimus qua-  
nam ratione id unquam probabunt? certe nulla  
cū eius rei nulla probabilis ratio afferre possit.  
Nam cū in somno optimè concoctiones proce-  
dant: in vigilijs verò imperfectiores sint ut su-  
pra ostensum est: ob id si acaliter, ne dicā magis  
ventres in vigilijs et in somno repleantur, eaq;  
in ipsis continebuntur dum animal vigilabit,  
imperfectè concoquantur & cruda remanebūt.  
Ex cruditatibus verò maximè caput repleri: &  
ijs quidem vaporibus ex quibus facillime catar-  
rhi & grauedines generantur, quis dubitare po-  
test? cum ab omnibus planè bonis medicinae au-  
thoribus id apertissimè cōcessum sit? Accedit ad  
hoc quod vapores si qui ad caput ferātur in som-  
no, melius ab eius virtute naturali concoqui po-  
terunt, quā illi qui in vigilijs illud petent. Nā  
ut dictum est, quiescente virtute animali, na-  
turalis*



turalis melius operari suoq; munere fungi potest  
quā eo tempore quo illa est in opere. Quinimmo  
ut primo de symptomatum causis declarat Gal.  
conuenire videtur, ut post vigilias cerebrū mo-  
derata humiditate ciborum repleatur. Nā id in  
multo negotio fatigatum, et siccatum ea procul  
dubio indiget. Cū verò animal vigilare oportet  
ea non opus est humiditate. Propterea modica  
ciborum quātitas tunc sumi debet: ne illa humi-  
ditate cerebrum repleatur quando minimè ex-  
pedit. eoq; tēpore quo naturalis facultas ab ani-  
malis opere impedita, imbecillime operari, ac cō-  
coquere potest. Quo sit ut cruda in cerebro rema-  
nens, tādē accedente aëre noctis frigido, in ca-  
tarrhū & grauedinem cōuertatur. Quod mul-  
tis imponit, credētibus ob noturnū cibū ea pro-  
uenire. Maior itaq; ciborū copia in animalibus  
etiā quæ à catarrho & grauedine affliguntur,  
vesperi cōuenit quā mane. Cauendum tamen  
est, ne eorum ventres immodicè vesperi quoque  
repleamus, eosq; cibos ipsis exhibeamus, q ex sui  
natura caput tentant: qbus & catarrhi & gra-  
uedines, & ceteri capitis morbi plurimum au-  
geri solent: non autem à maiore ciborū copia ve-  
speri magis quā mane sumpta, modo illa nō im-  
moderata sit. Nā siue mane, siue vesperi nimium



## TRACTATUS

ventres repleamus, his pfecto maximè officiet  
 qui dictis morbis laborant. Ex hoc enim caput  
 nimium repleti certissimum est. Quod respiciens  
 Gal. in documēto p puero morbo comitiali labo-  
 rate immodicas ventris repletiones uetuit, ma-  
 iorem tamen ciborum partē solidiorcmq; in cœna  
 exhibendā precipit. Ait enim. Post hæc aut ad  
 prandium eat & prius quippiā ex his q̄ ven-  
 trem molliunt assumat, vel holus, vel fal-  
 samentum, vel ptisanā, vel oliuas, cū tertia  
 panis parte: reliquas verò duas in cœnæ  
 tēpus seponat, cū valentioribus obsonijs.  
 Si in hoc morbo, in quo nō minus q̄ in grauedine  
 & catarrho timendæ sunt euaporationes ad ca-  
 put (quas isti nocte & in somno fieri dicūt) Gal.  
 vberiore cœnā prædico precipit, cur itaq; nos hoc  
 in catarrho & grauedine uerebimur? Cur in ijs  
 morbis minorem ciborum copiam vesperi exhibebi-  
 mus q̄ mane? Certè nimia ventris repletio &  
 mane & vesperi fugienda est, vt concoctiones  
 rectius pcedant, minor tamē ciborum quantitas,  
 & cōcoctu faciliior mane sumenda, vt Gal. dice-  
 bat. Hec itaq; cū sic se habeāt iure optimo Auicē-  
 næ sententia 1. fen 3. canonis est castiganda: q̄ in  
 epilepsia curatione ab eo scripta est. Et ille (in-  
 quis) cuius cōsuetudo nō tolleratur semel  
 reficiatur



reficiatur diuidat cibū suum q̄ sit minus  
 saturitate in tres partes. Hucusq; fortasse sen-  
 tentia Auicennæ rectè se habet, & Gal. decretis  
 consentit. Sed q̄ sequitur Gal. penitus aduersa-  
 tur: ait enim. Et sumat duas tertias in pran-  
 dio, & tertiā eius in coena. Mirū p̄fecto esset  
 Auicen. tam apertè à Gal. dissentire absq; eo q̄ il-  
 lius nullo modo meminert à quo totā eā senten-  
 tiam transumpsisse videtur. Meo itaq; piculo iu-  
 rare, aut Auicen. malè illa verba ex eo documen-  
 to transtulisse, aut prauè ab ijs q̄ Auicen. latini-  
 tate donarūt fuisse interpretata. Verū quomo-  
 documq; res se habeat à medicorū principe Gal.  
 (vt ipsiusmet Auicen. verbis utar) ipsaq; veri-  
 tate recedere nō debemus: sed id tanq̄ verissimū  
 affirmare, longè videlicet salubrius esse, uesper  
 plura ac validiora alimēta sumere q̄ mane. Qd̄  
 cū ita sit, tū etiā amplitudinem hortarer vt cō-  
 suetudine illa (q̄ ei summopere officit) derelicta  
 meliorem cōplectatur. Id tamen illico faciendū  
 & repētè nō existimo, sed paulatim. Repentina  
 enim cōsuetudinū mutationes, semp̄ prauè sunt.  
 Quod Deus Op. Max. nobis cōcedere dignetur.

F I N I S.











